


UKUSISIMIKISYA

I LISYU LYÁKE

 Unko uswe twinamisye imitu gyitu itolo pakabalilo. Gwempala Tāta Gwakumwanya, uswe tukupalisya ukuti uswe tuli apa ikilo iki. Uswe, uswe tukupalisya ukuti uswe tumenye Ukuyapo Kwako kuli apa na uswe. Lilino uswe tukusuma ukuti Ugwe kubōmbelaga kwa gvesa gwa uswe, bo uswe tukufumbwa. Uswe tukusuma ikyene mu Ngamu ya Yeso. Ameni. (Umwe mwikale.)

Itolo kwīpilika kanunu ukuya ni fyakuyobelapo ifi fyūmi. Une nāsulumènie fiyo ukōnànga lōsa mu luko lumo mmayolo, i Ndumi iyi une nālōndàga umwe ukwēga fiyo fiyo.

² Kangi une nālōndàga umwe ukuya basisimikisyi ukukibona kila. Ikyēne kyo i—i ngimu iyi uswe tulinayo. Uswe tukakimisigwa ni kipānga mma. Uswe twikimisye mwa Kristi, umwe muketile. Umwene yo Njila yila yēne. Umwēne yo buyo bwēne ubwa būmi, ubuyo bwēne ubu Kyala ābīkilēmo siku i Ngamu Yāke. Kangi Kyala ātile Umwene ikwaganaga na bāndu mbuyo Umwene āsalīle ukubīka i Ngamu Yāke; komma pa kipata kilikyosa, loli nkipata iki Umwene āsalīle. Kangi mbuyo bula Umwene ikwaganaga na bandu, kangi kula kwene. Kangi uswe tukusyagania ukuti Kyala akābīkilēmo siku i Ngamu Yake kulikosa loli mwa Mwanundumiana Gwake, Yeso Kristi, mumo u mwanundumiana bwila ikwega i ngamu ya tāta.

Kangi lilino ugwe kuyoba, “Ena, ngimba kyo kiliku iki kikubōmbéla umwisyugu? Aligwesa ikuyoba, ‘Une ndi mwa Yeso.’”

³ Umwene yo Lisyu. Ikyo, “Ku bwandilo lyalipo i Lisyu, kangi i Lisyu lyāli na Kyala, kangi i Lisyu lyāli Kyala. I Lisyu lyapeliigwe ukuya mbili nukwitugasya pakati pitu.” Kangi, ikyene kyōpe kisīmbígwe mu Busetuli untu gwa 19, akabalilo kāko uswe tumbwēne Umwene ikwisa, u Nsīngiligwa nu Ndume, Imyēnda Gyāke giyubikígwe mu Lilopa, “Ingamu Yāke yakoleligwāga ‘I Lisyu lya Kyala.’” Umwene yo Lisyu lya Kyala.

⁴ Kangi, ikyo kyo, Umwēne yo maka agākunyenyesya. Umwēne yo Mbepo Mwīkēmo yula yo yula, u—u lukino ulu lukwīsa mu bumang’anyi, a Masyu, yu ikupela Ilyēne ukuya lyūmi. Kangi ikyene kyosa kikufimbilisigwa ukubomba palikimo, pamo ikyene itolo kitisakubomba. Ikyene kibagile ukwega i Bangeli lyosa, u Kristi gosa, Inongwainunu inyisusye.

⁵ Une ngulonda ukuyoba, ku kibugutila kya bayobanongwa iki une nākētelile pa televizioni nkilo, mmenye ukuti ikyēne kikuyāngapo, kangī une nākētelile ikyēne. Une ngulōnda ukuyobapo abakūndwe aba, bala bābo bāli pa kibugutila, ko kayabo ka bufūndi nki ka kwāmūlila amalālusyo! Kangī une ne bwīngipo fiyo ne ndondesyabusobi, umwe mumenye, mulimōsa, lōli pakālipo nakimo ukulōndesy’ubusobi pala. Ikyene kyāli naloliloli kyābwanaloli, kangī une nābagile ukwitikisania na kila, mia yumo mwa mia. [Ikilundilo kikukub’amapi—Nsimbi] Ndaga umwe. Amen. Amāmulo gala gāli palapala pa pabutalulo. Une naloliloli nāpalisye ikyo. Une itolo ngunyonywa une nāli ni filimu ukunangisya nkipanga kyangu ku kāya. Ikyene kyāli naloliloli kinunu.

⁶ Kangī une ndi gwakupalisya fiyo ukumanya ukuti—ukuti Kyala abombile panja mbulagili ubungi, palubafu lwa kibugutila kyītu kyātūwībēne kya kiPentekosti, kangī ikisala abanyāmbāla, sila imbeyu sya Kyala, isi syālāmbalēle pānja pala fyōsa ifyīnja ifi, sikugūlila u Bwēlu ukumulika ukukilania isyēne.

⁷ Kangī ikyēne kangī kikutupa uswe ubusoke, binangu, ukumanya ukuti Yeso āyobīle, “Akabalilo kāko unsīngiligwa ungonatulo uyu ālyāndīle ukwīsa mula ukūla a Mafuta, kala kāli kabalilo kāko u Ndume īsaga.” Polelo uswe tubagile ukukēta pa ikyo, akabalilo kāko uswe tukukēta a baEpiskopo, baPresbeteri, baMethodisti, baBaptisti, baLuteri, ukwisa nkati ukwēga a Mafuta, polelo yila yāli sala iyi u Nnyambala ālisīle. Unko uswe tukūmbukīlege ikyo.

⁸ Une ngālimo siku na Billy, u mwanundumiana gwangu, ukuyoba bo ulo kwa une mumo umwene ābombīle akabalilo kanini aka kakindilepo. Umwene alinkuti, “Tata, une ndikukubula ugwe ikyakubomba. Une ndikusanusya ukukuhobosya ugwe pa kalikosa, loli,” alinkuti, “bāba, kilikyosa iki ugwe kubomba, bika akabalilo kosa kuli abandu ababine bala.” Umwene alinkuti, “Une ngababonamo siku abandu ababine bīngi fiyo!” Alinkuti, “Une nayabanisye amakadi bamia babili nkabalilo kanandi itolo pamo mabili.” Alinkuti, “Balipo bīngi fiyo abāndu ababine!” Umwēne ikubōmba mwa apa-na-apo ikumbūlāmo siku une ikyo.

⁹ Kangī polelo une ngwīsa ikilo iki nu tusīmbe utunini tusīmbigwe pāsī apa, kangī isyakuyobelapo simo pa bulōngi ubu bukwīsa, kangī tumenye ukuti uswe twītūgēsye apa ikilo iki nu ngalalisi silasila isya Kyala sikusenyēnda pāsī pa uswe, kangī lululu umwēne isakupyāgila ukyēne lōsa. Kangī tumenye ukuti i ngalalisi sya Kyala sikugūlila; itolo pa kabalilo ikyēne kyāyobīgwe, ukwēne kwīsakuya kumalike, kuli maelifu-elifu. Kangī mmenye ukuti mu ndūmbula yāngu, kangī mmenye ikyēne ukuya lūlo! Kangī polelo uswe tukukēta bīngi fiyo ababine, bikuguta nu kukwāba.

¹⁰ Kangi une ndinkwinogona, “Ikilo iki, bingi ba abêne bo baKristi.” Kangi unko une njobe ku iki, umwe bâna ba Kyala. Kilikyosa iki ugwe kubomba, ugwe unko kilikyosa ikingi kibukege. Ugwe mbombela Kyala, pamusi na pakilo, ni ndumbula yako yosa. Ugwe, ugwe ubagile ukwipilika kilipo kimo kitamisye. Ugwe ubagile ukukindanisa ikylene bo ugwe kwênda mu ngindi, ugwe itolo. . .kangi kulikosa kuko ugwe kubuka. Umwe mumenye, linga umwe muli bamwambepo; kangi une mmenye umwe muli.

¹¹ Kangi une nâyobága ku nnyâmbála yumo, Nkundwe Stromei. Une ngamanya kali u Tony ali apa, pamo mma. Umwene, umwene âli. . .[U nkundwe ikuyoba, “Tony Salameh?”—Nsimbi] Tony Salameh, Salameh, Salameh? Umma. Une nêgile u Tony unsobi. [U nkundwe ikuyoba ikindukimo.] Umma, uyu yo Tony unsobi. Uyu yo Tony yula ugwa—ugwa—ugwa Tucson. Ngimba ingamu yâke yo fiki? [Yumo uyûngi ikuyoba, “Stromei.”] Stromei! Une mmenye iyêne yo Salameh, Stromei, pamo kimo. Une nguya lôsa. . .

¹² Mu liluka lyâke, ilisiku limo, âli u nnyâmbála îsile mula, âli nswîgîsyê fiyo, umwene âyobága i kindukimo iki kyâtwéle i kikûmbusyo ukugomokela kwa une, akabalilo kâko une. . . akabalilo kâbumalikisyo une nâli mu—mu India.

¹³ Kûko, une ngwinogona u Ntwa âtupéle uswe ikilundilo ikinywamu ukukinda-fyosa iki uswe twâlimo nakyo siku pa kabalilo kamokene, kyâli mu Bombay. Uswe tukâbwagile kôpe nukubwâga ubuyo nakumo ukubabîka abêne, abakalongo ba maelifu na maelifu ga bându.

¹⁴ Kangi itolo bo tukâli uswe ukufika kula, yâliko ikalatasi yanôngwa yisanusîgwe. Mulimôsa, iyêne yâli, India kyo kîsu kya njobelo-ibili, iyêne yâli—iyêne yâli kalatasi ya Kingereza. Kangi yâyóbile, “Mulimôsa, a kasenyênda kabagile ukuya kamalike, i njuni sikupululuka ukugomokela ku twâya twabo mu fifûmbwa fyâbo.”

¹⁵ Amasiku manini bo kakâli akasenyenda ukwîsa, aka kaswânyulênê pâsi imbaso ni findu. I njuni innini sikwîyâga syene ubwîponesyo mu malyâlâbwe, nu kuyênga ififûmbwa fyâbo; kangi pa mûsi pamo paka pîsiku, akabalilo kâKo ilisuba lipîle nalôli, fyôsa i finyamana fikwîmba ukusyûngutila ifibûmba fya malyâlâbwe fila, ukuya nkipepo. Kangi ku masiku mabili, injuni silinkusyala mmipiki, isyene silinkutoligwa ukwîsa ku fifûmbwa babo; kangi amasiku mabili, ifinyamana, ing’osi ni ng’ombe, isyêne sikâbagile ukwîsa ukusyungutila pamusi, pamo ukwêmbêla ukusyungutila ifibumba fila. Isyêne—isyêne syâsyêle panja mu ngunda nukwigemekésya ukulwana na yumo nu nnine, ukuya kipepo.

¹⁶ Polelo môsa pakamokene, a kasenyênda, aka itolo kâyugênê ifibûmba nu kuswânyulila pâsi imiyûmba. Kangi, muketile,

linga injuni sila syāli nkati mula, isyene āngàli syapyutigwe. Linga i ng'ombe syālimile pási pa kyene, kangi i ng'osi, isyēne āngàli syāpyutigwe. Kyala ukusoka ikipeligwa!

¹⁷ Amasiku manandi aga gakindilepo, kula ku liluka lya Nkundwe Tony, une nāmpilikága u nnyāmbála pala uyu āyobíle... Akabalilo káko ikisenyenda iki kyābonike pabuyo mu Alaska, umwēne ālobaga pási pa iki uswe tukukóléla Buyo Bwamabwe, ku Mexico. Kangi umwene alinkuti, “Injuni silinkutoligwa ukulya, kangi iswi silinkutoligwa ukulya. Kyalipo kimo kitamisye. Kango, mōsa pakalikimo, a kasenyēnda kalinkwābuligwa.”

¹⁸ Kangi i lisiku limo, akabalilo káko kila kimo kyāboníke ku India, pamo kulikōsa ikyēne kyāli, umwēne alinkuti umwēne ālobaga kangi. Umwēne ālinogwīne, “Mulimōsa, ikyēne kyo kihēsya. Iswi sila sikulya kifuki akabalilo aka. Kukayako nu kubūnguluka mmisi, nakumo. A mīsi gali itolo bo kimyēmye, akabalilo akapelelesye aka nswi ukulya, lōli isyēne sikālile mma. Kangi injuni syosa isi sili panja pala, amasēkwa, gikusala iswi isi ni findu, syēndāga ukusyūngutíla pa kiloboko, sikwīlūndíka yimo pamwanya pa innine. Mu tubalilo utunāndi, kōbyo gwa mu nyānja ukufuma pási alinkwānda ukwīsa pamwanya bo *lula*, a kasenyēnda kāfumile pakuboneka ukukilania ulubafu ulūngi lwa kīsu.” Muketile, iswi sila syāmēnye kyālipō ikindukimo kyātamisye, ikindikimo kyītendekesyāga ukuboneka. Injuni sila syāmēnye lulalula.

¹⁹ Naloliloli, linga Kyala ikupa iswi ni njuni ukumanyilangāni, bo bwingipo buki abagile Umwēne ukupa Abake—Abake abāna! Uswe tumenye ukuti uswe tuli ku kabalilo ka bumalikisya, kangi u bulongi bukugūlila, polelo unko uswe tuyege bālugīndíko nalōli. Bopela kwa Kyala ni ndumbula yako yosa! “O Kapernaum, ugwe gwe gwifyusisye mu mwanya, kwisakutwaligwaga pási ku gehena,” kangi umwisyugu umwene ālambalele pási pa kitala kya misi. Kumbukilaga itolo, kangi iputa.

²⁰ Lilino, ikilo iki, une ngulōnda ukubala ubuyo apa mu Lisimbo, itolo kukabalilo kanini. Uswe tukwiputilaga ababine. Billy aayobile umwene ayabanisye ikipambo kya makadi ga lwiputo. Kangi umwene āpele panja gamo mmayolo, kangi une ngafikamo siku ku kalikosa ka agēne nkilo. Kangi une nāswigaga, akabalilo káko u Mbepo Mwikemo ālisíle... Ikyene kyo itolo... Ugwe ukabagíla ukukipela Ikyene ukubomba. Ikyēne kyo itolo ngati akafigilo akanini, ugwe kwīkwābila gwīmwene mu ligiya. Umwe mwe bābo aba bakubombela isya Mbepo Mwikemo, komma une. Umwe mukubomba ikyo mwībēne. Popāpo une, nkilo, une nākētesisye mōpe mu kumanya-ngāni, ikyēne kikāsumukile mmwanya mma na bāndu itolo kanunu. Abēne bābonekāga ngati bikwēga ku kyēne. Une nkyāgile ikyēne, apa lululu fiyo, ikyēne kikuboneka

ngati, kwingipo pamo paninipo, itolo bo une nguyoba, ukwála amaboko gangu pa babine, abene bamenye.

²¹ Uswe tukufimbilisigwa ukusyágania ukuti mwa uswe mupègigwe, uswe twe tukwítika Yeso Kristi kangi tupāpígwe ukufuma mwa Mbepo Gwāke kangi twísusígwe na maka gala amanyenyemusyey, amaka gala aga gali mwa ugwe. Ukwisila mu kwála amaboko, pa bāngi, bo mūmo abafūndigwa bābōmbile kangi ukusuluka ukukīndāmo i ngulilo, Ikyēne lōsa kyābūlwisye ababine, ukusyūsyā abafwe, Ikyēne kyānāngisye imboniboni, amabusololi. Kangi u Mbepo yulayula uyu ítūgasyāga pakati pa batūmígwa ikwītūgāsya nkipanga umwisyugu, ikubōmba ifindu fi filafila. Kangi mwa mbibimbibi mūmo uswe tubagile ukukyāgānia ikyo! Muketile, kisita kupāsya bu bwīngi nki ikyēne kikubōmba, ugwe kufimbilisigwa ukukyāgānia kila nu kwítika kila. Ikyēne kitisa kubōmba na kayabo kamokēne ka bununu, mpaka ugwe nalōli kwítika ikyēne. Loli akabalilo kako ugwe kwitika ikyene, indamio syako simalisígwe. Ikyo kyo kyabwanaloli.

²² Lilino unko uswe tusanukile mu Lisimbo. Une nālitūgesye pānja pala, utubalilo tunini utu tukīndilepo, ndinkusimba pāsi u Tusimbo utunāndi utwākōngelelāpo, ukwāndula ubusimbe bwāngi ubwa kilo iki. Kangi une ngulonda ukubala ukufuma mu Lisyu Iya Kyala, ukufuma mwa Buku gwa Mwikemo Luka, untu gwa 8, ukwanda pa linandi Iya 40. Pilikisya lilino, une nguyaga pakubala ukukīndilisyā.

Kangi ikyēne kyālīsīle ukuboneka, ukuti, akabalilo kāko Yeso āgomokelāga, abāndu nubuhobofu bālimmwambilīle umwēne: kabuno abēne bōsa bagūlilāga umwēne.

Kakabagīle ukuya kayīlo akanunu ku bubīkisyo ikilo iki?

Kangi, keta, pala alinkwisa unnyambala ingamu ya Yairo, kangi umwene aali ndagīli gwa sinagogi: kangī umwene alinkugwa pāsi pa malundi ga Yeso, nukunsūma umwēne ukuti umwēne ikwisaga mu nyumba yake:

Kabuno umwēne āli nu mwanundīndwāna yumoywēne ntiga, kifuki ubukusi bwa fyiinja kalongo na fibili, kangī umwēne ālāmbalēle i kufwa. Lōli bo umwēne ikubūka abāndu balinkumbūmba umwēne.

Kangi u nkikulu ikuya nu kusulula kwa lilopa ifyiinja kalongo na fibili, uyu āfumile pakutāga kōsa ka kuyīla mūmi pa bagānga, pōpe alinkusita kubūmbulusīgwa na balibōsa,

Alinkwisa ku nyuma kwa umwēne, nu kupalamasya ulugēnge Iwa mwēnda gwāke: kangī mbimbibi ukusululuka kwāke kwa lilopa kulinkwīyimika.

Kangi Yeso alinkuti, Ywani ambalamaasisye une? Akabalilo kâko bôsa balinkukâna, Peteri na abêne aba bâli nu mwêne balinkuti, Fundi, ikulündilo kikubũmba ugwe nu kukuguta ugwe, kangi kuyoba ugwe, Ywâni âmbalamâsisye une?

. . . Yeso alinkuti, Umunduyumo abõmbile ambalamasisye une: kabuno une ngusyagania ukuti ulwifimbilisyo lukindile ukufuma mwa une.

Kangi akabalilo kâko u nkîkûlu yula âkêtîle ukuti umwêne akâfisigwe, umwêne alinkwîsa nu kutetema, nu kugwa pâsi pankyêni pa mwêne, kangi alinkufumusya ku mwêne pankyêni pa bôsa abându pa nongwa ya fiki umwêne âpalamasisyè umwêne, kangi mûmo umwêne âbũmbulwîke mbimbibi.

Kangi umwêne alinkuyoba ku mwêne, Mwanundindwâna, yaga nu lusûbisyo ulununu: u lwîtîko lwâko lubõmbile lutëndike ugwe ukuya kanunu; bukaga mu lutengano.

Kangi bo umwêne . . . ikuyoba, pala yumo yumoywêne alinkwîsa ukufuma mu ndagili gwa nyumba ya sinagogi, ikuyoba ku mwêne, Umwanundindwana gwako afwîle; ukuntamia mma u Fundi.

Loli akabalilo kâko Yeso âpilike icyene, umwene alinkwamula umwêne, ikuyoba, Ukutîla mma: itika itolo, kangi umwene isakupeligwâga ukuya kanunu.

Kangi akabalilo kâko umwêne âlisîle nkati mu nyũmba, umwêne âlitikîsye nayumo u mũndu ukubuka nkati, ukupâgulâko Peteri, . . . Yakõbo, na Yohani, kangi u tâta nu mâma gwa bânkîkulu.

Kangi bôsa balinkukûta, . . . ukundilila umwêne: kangi umwêne âyobile, Ukulîla mma; umwêne akafwa mma, lôli ikugona.

Kangi abêne balinkunseka umwêne ukumũgîla, bamenye ukuti umwêne âfwîle.

Lôli umwêne alinkubabîka bala bôsa pânja, nu kumwêga umwêne pa kiboko, nu kukõlêla u ndîndwâna, ikuyoba, Ndîndwâna, sumuka.

Kangi u mbepo gwâke alinkwîsa kângi, kangi umwêne alinkusumuka lulalula: kangi umwêne alinkulagîla ukumpa umwêne icyâkulya.

Kangi abapâpi bâke bâli nkuswigîsîgwa: lôli umwêne alinkubabûla abêne ukuti abêne bikufimbilisîgwa ukumbula u mũndu nayumo iki kyâbõmbîgwe.

²³ Lilino unko uswe twipute. Gwempala Tâta Gwakumwanya, bo uswe tukubala i Lisyu ili, uswe tumenye ukuti ikyo kyo

bwanaloli. Iki kyabonike. Akene ko kakaya kapango kambutitu kamo aka uswe twābagile ukubala ukufuma lumo ku i kalatasi ya nōngwa pamo i būku limo ilya kwāta, loli ili likwisa ukufuma ku Buku ili uswe tumenye ukuya Lisyu Iya Kyala. Uswe tukwitika ikyene kyabonike. Uswe tukwītika ukuti uyu Yeso uyu ābōmbile iki ikīndu ikikētigwe, utubalilo tubili apa, bwa nkikulu nu kusulula kwa lilopa, kangi u mwana umfwe, uswe tukwitika ukuti Umwene yo Mwanundumiana gwa Kyala, uyu Kyala ansusisye Umwene ukufuma ku bafwe kangi antwele Umwene kwa uswe, ikilo iki, mwa mundu gwa Mbepo Mwikemo.

24 Kangi uswe tukwitika ukuti Umwene ali apa na uswe ikilo iki. Kangi ukwītika ukuti Umwēne yo yulayula mmayolo, umwīsyūgu, kangi bwilanabwila, ifibābilisi Fyāke fikufikila ku bāndu. Kangi bo abāndu bikufikila ku Mwēne, ifyakukōnga filafila ifi fyāpegīgwe mu lisiku lila fisakupegigwaga ilisiku ili. Tupaga ikyene kangi, Tāta, ukuti uswe tubagile ukuya nu bupakīgwe ubupya. Bo yu Nkundwe Shakarian alālūsīgwe nubwanaloli fiyo, pakabalilo aka kakīndile, nukusūma ikilundilo ukwitika, uswe tukusuma kangi mu Ngamu ya Yeso Kristi. Amenii.

25 Une ngulonda ukuyoba itolo pa tubalilo tunini, kangi ikyo kisakuyaga itolo tubalilo tunini, 'nongwa yakuti une ngulōnda bala abāndu na makadi ga lwīpūto pamwanya apa nu kwīputila abēne. Kangi ukōmola akandu kalikosa akangi loli itolo ukwiputula ababine. Loli bo uswe tukāli ukwiputula ababine, uswe tukufimbilisigwa ukubatwala a bandu mu kayīlo kala. Akēne ko kayīlo aka bwīla kakutwāla ifyakukōnga. Akēne ko kayīlo aka ugwe kwēga kwa Kyala.

26 Apa alipo unkikulu āpalamaasīsye umwenda Gwake, umwene abumulusigwe, nu koneka kwa lilopa. Unsikali alinkufunyila nkisyo Kyāke nu kubīka ingiga ya mifwa pa ntu Gwake, kāngi akālīpilika nu lwīfībilisyo nalumo.

27 Ubwēne bo bwīsilo bwāko. A kayīlo ko aka ikyēne kikwēga. Kangi ikyo kyo iki ikyene kili ikilo iki, mwinangu mpala, ikyene kikwega akayilo. Uswe tuli, kangi tukwitika ukuti uswe tuli, mu Kuyapo kwa Yeso Kristi, loli akene ko kayiilo kako aka kakutwala ifyakukonga. U bumang'anyi buli apa, kangi na lu lukino. Linga ugwe ubagile itolo ukuya gwāndilēko, Kyala isakubōmba ifi fisyele.

28 Lilino, ikimanyisyo iki iki une ngulōnda ukuyobapo, pa tubalilo tunini, kyo: *Ukusisimikisya I Lisyu Lyāke*. Lilino ikyo kyo kindu kikulumba, ukwinogona isya ikyo: *Ukusisimikisya I Lisyu Lyāke*.

29 Lilino Kyala abagile itolo ukusisimikisya i Lisyu Lyāke, ikilo iki, mūmo Umwene ābombilēmo siku ukusisimikisya Ilyene. Kangi i Bāngéli lyōpe lyāyōbile, "Sisimikisya ifīndu fyōsa. Koleléla nukūmilisya ku iki kyo kinunu."

³⁰ Lilino umwe mupilike, kisita kwilámwa, mwâpilíke ilyambupingamu lyaiyolo, “Sisimikisya icyène, une nisakwitika icyène.” Lóli ikyo kitikukolelela kyâbwanaloli mma. Utubalilo twíngi une ngétile ifíndu fíngi fisisimikisigwe, ifyo fyáli naloliloli na mwasayansi fyâsisimikisigwe, kangí pópe abându bakâlítike icyène mulimôsa.

³¹ Une nâyobâga nu nnyambala, apa pakaya patali mma. Uswe twayobaga isya bubumbulusyo Bwakyala. Umwene alinkuti, “Une ngabagila ukwitika icyene. Une ndikupasya iki kikubonekaga, bo busisimikisye buki ugwe ubagile ukunângisya isya icyène, une ngâli ndikwitika icyène mma.” Ena, naloliloli, kali ugwe kubombaga fiki ku nnyambala yula, umwene—umwene ayôngile. Umwene akabagila ukwitika. Kikayapo nakimo mwa umwene, ukwitika.

³² Une itolo nâli nu—nu bwendelemo ubunini apa, kifuki u ndungu ugu gukîndíle, bomûmo umwe mwêsa mumenye ukuti une—une ngufwîma. Kangí akabalilo kako une ngugomokela ukufuma ku lukomano lwangu, une nâfumile pakufwîma ingalamu. Kangí ukufuma pâpo une nsâmíle ukubûka mu Arizona, icyène kyo kinunu, une ngulônda ukufwîma ifinyamana ifinywâmu, kangí une ngulônda ukusôka pânja pakati pa kipelígwa nukukétésya icyène.

³³ Lilino, une ngaya ngògi mma. Une ngufwîma itolo. Popâpo, une—une ngakigana ukônânga ikinyamana, une—une ndikwînogòna icyène kitalusye. Une ngwînogòna icyène kyo itolo bu bwíngi ubutulwanongwa ukugoga ikinyamana, akabalilo kâko ugwe utikukibômbel’imbombo kangí kuyaga pakukibômbel’imbombo icyène ku bubômbelo bûmo, bomûmo icyène kikuyâga pakugoga kalikosa akangi. Une ngwitika icyène kyo kisobi. Uswe tulinga bômbaga ikyo. Kyala âtupèle icyène kwa uswe panongwa ya kyâkulya kangí kuli ifyâkubômbèla, kangí uswe tulingônângàga icyène. Lóli lilino iki u lulagílo lukuyoba ugwe ubagile ukwêga, umma ndaga. Itolo komma ukutâgânia icyène.

³⁴ Kangí une pâsi pala, akabalilo kamalike kuli kilikyôsa ikíngi. Ingalamu sikugoga ing’ombe nyingi fiyo. Kangí une mmenye abatimi bîngi fiyo nkisu kila. Kangí akabalilo kalikosa abène bikuya nu kugoga kumo, fiki, abène bikungôlela une, akabalilo kâko i ngalamu yikufika pakati pa ng’osi. Yumo umwînangu gwa une, ikilo kimo, âtâgile kifuki amadola maelifu matatu na sinda, mu kilo kimokyène, ni ngalamu yimo yikugoga itolo a bakang’osi. Umwène âlîngile nkati, kangí, ena, ingalamu isîngi isi sisyêle sikuyaga pakuhômba panongwa ya butulwanongwa bwâke. Kangí popâpo une ndinkuyêga ingalamu yila, kangí popâpo iyène yâli ngalamu ingulumba inywâmu, kangí amafiti lwêle-na-limo mbutali, kangí ubusito kifuki mabili-ni-kindukimo, popâpo iyène yâli—iyène yâli ngalamu innunu inywâmu.

³⁵ Kangi polelo une nābūkīle ukufuma ku kīsu kya Arizona, ukufyūka mu Utah, ukufwīma. Kangi popāpo une nābūligwe ukuti bālīko a bāndu kumwanya kula, ukuti u nyāmbāla uyu une nāyaga pakufwīma nagwe, āli gwafipīngo gwa sikali, “Kangi, panongwa ya bununu, komma ukuyoba kalikosa isya bwiputi, ukusyungutila umwene.” Alinkuti, “Umwene ali naloliloli mwinitu ungāsi.”

Kangi une ndinkuti, ena, une nālīmbulile unnyambala uyu une nabukaga nagwe, une ndinkuti, “Une ndisakuyobelapo ikylene.”

³⁶ Umwēne alinkuti, “Komma ukuyoba ‘ndumbilili.’ Linga ugwe kubōmba, ugwe utisakubūkāmo siku ukubūka kukufwīma. Umwēne akābagīle ukwēga ugwe.” Alinkuti, “Une nāfwīmīle nu mwēne amasiku matatu, kangi nāgonīle nagwe ikilo itatu, ukulya nu mwēne ilisiku lililyōsa, kangi umwe akāyobelimo na siku, ‘Ulubunju ulununu. Ngimba ugwe kubombaga bulebule? Ugwe kulonda ikindukimo ikya kulya? Ukusuka isahani.’ Nakimo!” Alinkuti, “Lilino komma ukuyoba nakimo isya ikylene.”

Une ndinkuti, “Une ndisakuyobaga i lisyu.” Polelo une ndinkusita kumbula umwene une ngabagila ukwiputa, loli une ndinkumilisyā ukumbula umwene ukuti une ndi. . . Kangi une ngwiputa.

³⁷ Polelo akabalilo kako uswe twāfikīle kula, u nnyambala yula āli mwinitu unkafu fiyo, kangi une ngālinogwine umwene ālitike kalikosa. Kangi umwēne āfumīle itolo pakutāga umwāna ikilo ināndi bo pakāli pala, umwāna umfwāno-kubupāpīgwe. Popāpo, uswe twābūkīle ku kufwīma. Kangi pisiku lyakibili, unnyambala uyu une nafwimaga nagwe ālimbulile umwene, alinkuti une nguyaga pakufwīma kulikosa ukusyūngutila i kisu. Popāpo akabalilo kāko i mfwīmī uyūngi, āli na une, ālindekīle une, uswe twāli kubutali mwānya mwa fisōnge; kūko uswe twābopīsyē i ngalamu, mpaka uswe twāli mmwāgīle umwēne nkati mmabwe, kangi umwe alinkubōpāpo ukusōkapo. Kangi polelo uswe twalitugesye pala tukugulila i mbwa ukugomokela. Kangi unnyambala uyu alinkuyoba kwa une, umwene alinkuti, “Umfwimi uyungī, umwinangu, ikumbula une ukuti ugwe kufika ukufwīma kulikosa. Ugwe uli ni hela nyingi?” Alinkuti, “Une ngusakikisyā iyene yikaya nayimo iya mbombo yangu.”

Kangi une ndinkuti, “Umma,” une ndinkuti, “isyene sikaya hela nyingi umma.” Une ndinkuti, “Une—une nhōmbīgwe.”

Kangi umwene alinkuti, “O, une ngetile.” Umwene alinkuti, “Ena, une ngusakikisyā iyene yikaya nayimo iya kabombo kangu, loli,” alinkuti, “ngimba ugwe uli ni kampani yimo iyi yikukuhomba ugwe?”

Umwene ākwabaga ikylene palapala panja pa une. Une nāfīngīle ukuti une ndisakubōmba, muketile. Polelo une

ndinkuti, ena, une ndinkuti, “Umma, nkulumba. Une ndi ndumbilili, ntumigwa.”

Umwene alinkuti, “Kyo fiki?”

Une ndinkuti, “Ntumigwa.” Kangi umwene itolo alinkwima kangi alinkungeta une pa maminiti manandi.

Une ndinkuti, “Ngimba ugwe uli nu lusũbilo lulilõsa ulwa Bumi ukufuma apa? Ngimba u lusubilo lwako lo fiki?”

Umwene alinkuti, “Une ndi Jack Mormon yumo.”

Kangi une ndinkuti, “Kyo fiki?”

Umwene alinkuti, “U Jack Mormon yumo.”

Une ndinkuti, “Lo luko luki lula?”

Alinkuti, “U luko ulu lukutuka nu kunwa kõfi, nu kwẽsa ingãmbõ.”

Une ndinkuti, “Ena, ukufumusya kwanaloli ko kununu kuli u moyo.”

³⁸ Kangi polelo umwene alinkuti—umwene alinkuti, “Une ngulonda ukukulalusya ugwe i kindukimo.” Umwene alinkuti, “Une mbũligwe ukuti i kipãnga kya Mormon kyo kyene kipãnga ikyabwanaloli iki kiliko.” Umwene alinkuti, “Ngimba ugwe kwitika ikyo?”

³⁹ Une ndinkuti, “Akabalilo kãko ikyene kikwisa ku kipanga, une ngusakikisya ikyene kyo kinunu bo filifyõsa fya ifyene. Une mmenye itolo u Bwanaloli bumobwene, kangi uyo yo Yeso Kristi.” Une ndinkuti, “Une mmenye Umwene yo Gwabwanaloli.”

⁴⁰ “Ena,” umwene alinkuti, “Une nãli nu mwãna apãpigwe ikilo ikingi, umfwãno-pakupãpigwa.” Umwene alinkuti, “Une mbũlile ukuti u mwãna uyu, panongwa yakuti umwene ãli mfwãno-pakupãpigwa, Kyala akatũyilẽmo siku ulutuyo lwa bumi mu kene, ukuti une ndisakabonamo siku akene kangi.” Umwene alinkuti, “Ngimba ugwe kwinogona fiki isya ikyo?”

⁴¹ “Ena,” une ndinkuti, “Ugwe utisakuya bo yu Jack Mormon, ugwe naloliloli utisakubomba. Ikyo kyo kĩndu kimokyene kisisimikisye, ugwe utisakukabona akene pene pãpo ugwe kusyãla u Jack Mormon.” Kangi umwene alinkuti... Ena, umwene angutãga une, polelo une ngutula umwene ukumokesya panini, umwe muketile. Uswe twãli—twãli na kabalilo ukugutula ukugomokesya. Polelo umwene alinkuti—umwene alinkuti... Une ndinkuti, “Ngimba kitamisye kyo fiki?”

Umwene alinkuti, “O, une ngamanya.” Kangi umwene alinkuti, “Ena, ngimba ugwe kwinogona fiki?”

Une ndinkuti, “Une nĩsibilene na bingi abanunu...”

⁴² Une ngãmenye umwene ãli yo Mormon. Kangi une nãli fiyo... Une mmenye, ukuya ikyene mu Utah, ikyene lumo kyãli,

lōli une. . . panongwa yakuti abāndu bingi kumwanya kula bali baMormon, ukusyungutila Salt Lake City. Uyu akāli Salt Lake City, lōli. Popāpo une nālinogwīne, “Mulimōsa, une mfumile pakuya na bīnāngu banunu ba kiMormon, bafumile pakuya mu ngīndi sya lwīpūto, abāndu abanunu.”

⁴³ Kangi une ndinkuti, “Une nāgène na bamo abanyāmbāla abanunu fīyo aba bo—bo baMormon.” Kangi umwene alinkuti, ena, umwene alinkuti. . . Une ndinkuti, “Une ngamanya ubumanyisi bwābo pa ikyo, kangi une ndikulonda ukuyoba ikindukimo ikikindane ku bumanyisiḡwe bwābo, panongwa yakuti ikyo kyo iki ugwe guli, kangi une ngugindika ikyo fīyo.” Kangi une ndinkuti, “Ena, kangi ugwe kwitika ikyo?”

Umwene alinkuti, “Ena, nkulumba, une ngubōmba. Loli,” alinkuti, “Une ndikwītūgāla ku kyene.”

⁴⁴ Une ndinkuti, “Ena, une ngwitika ukuti i Libangeli likumanyisya ukuti Kyala ālimènye ubonda yula, maelifu-elifu ga fyiḡja ifi fikindilepo, bo u lwālo lwa kīsu.” Une ndinkuti, “Kyala alimbulile Yeremiya, ‘Bo ugwe ukāli akafuba munda mwa nyoko, bo ugwe ukāli ukusoka panja pa lwanda, une nākumenye ugwe, nakukemesisye ugwe, nu kukusungula ugwe ukuya nsololi ku fikolo.’” Une ndinkuti, “Ubo bo bwīngi Umwēne āménye isya ikyēne, muketile.”

Umwene alinkuti, “Ena,” umwene alinkuti, “ndaga ugwe.”

⁴⁵ Umwene alinkwanda ukusuluka pa kāmba. Kangi polelo umwene ālyagēne nu mwinitu uyungi uyu, kangi umwene alinkuti, “Nongwa ya fiki ugwe ukalimbulile une u miana yula āli ndumbilili?” Kangi polelo uswe. . . Umwene alinkuyoba ku mwene panandi nu kwanda ukumbula umwene isya ngomano.

⁴⁶ Lilino, a baMormon bikwītika ubusololi. Une ndiku. . . bakabagila ukuya aligwesa apa, loli abene—loli abene nalōli bikwitika mu—mu busololi. Loli, polelo, lumo une nguyoba pānja pa sukulu, loli une. . . Ena. Ena. Loli, loli, abene bikwitika.

Kangi umwene ikuyoba, umwene agomokiile kwa une, alinkuti, “Une ngupilikisya ukuti ugwe gwe nsololi.”

Une ndinkuti, “Umma, nkulumba.” Une ndinkuti, “Une. . . U Ntwa anāngīsyē une ifindu ifinandi ukuboneka.”

⁴⁷ Kangi umwene alinkusōkāpo, palapala mbimbibi, alinkuti, “Unko uswe tubūke nkati.” Kangi umwēne alinkufika mu ligāli lyāke, nu kubūka kula ku. . . akāya kāke akanini ukufuma kūko umwēne itūgalaga. Nkabalilo kanini, umwēne āyongile. Uswe twātēndekesyāga imbwa, ukwēga ulufwīmo ulūngi palapala ukufuma pa fyākulya fya pamūsi. Kangi bo uswe tubōmbile, umwēne alinkusōkāpo mu ligāli.

⁴⁸ Mu tubalilo utunini, u mboneke-nnunū unyāmbāla unkeke alinkugomoka, kifuki ifyiḡja kalongo-na-fihano-na-fibili mbukusi, unnyāmba umboneke-gwabwanalōli gwa Kikristi.

Umwene alinkuti, “Uyu yo nkundwe gwangu.” Alinkuti, “Umwene akaya yo Jack Mormon. Umwene yo Mormon gwabwanaloli.”

Une ndinkuti, “Mubombile ndaga, mwanundumiana?”

Kangi umwene alinkuti, “Une ngupilikisya, ukuti unkundwe gwangu ikumbula une, ukuti ugwe gwe nsololi.”

Une ndinkuti, “Umma, nkulumba.” Une ndinkuti, “Ikyene kikaya ukuti une ne nsololi.” Une ndinkuti, “U Ntwa anangisye une ifindu ifi fikwisaga ukuboneka.”

⁴⁹ Umwēne alinkuti, “Une ndinabo ubutusulilwe mu lukōngi lwāngu ulwa kililo lilino, une mbagisēnie ukuya pa mēsa ya bupānjilo.” Umwene alinkuti, “Loli nkundwe gwangu ambulile une iki. Kangi une ndinkuti, ‘Linga ikyo kyo momumo, une ndikufūmbwa ubupanje mma.’” Umwēne ālingētīle une mulamula ukutalula nkisige, ugwanaloli-ndumbula, gwābwanaloli, ukukēta ukwānaloli-ndumbula, alinkuti, “Ugwe bika amaboko gāko pa une. Linga ifindu ifi fili lulo, une ndisakufūmbwa ubupanje.” Umwene alinkubuka ku kaya kanunu.

⁵⁰ Unkundwe uyu, mwinangu Nkristi gwa une, āfwimaga na une, ukufuma ku Phoenix. Umwene alinkuyoba kwa une, umwene alinkuti. . . Bamo mwa balumiana aba bītugesye papapa apa lilino. Yumo mwa bēne une mmenye ali apa alipo. Uswe tulinkubuka ku kaya. Umwene alinkuti, “Nkundwe Branham, linga u Ntwa abagile ukukubonesya ugwe imboniboni kangi unko ugwe ubabūle bala a baMormon itolo iki kīsa kuboneka, ikyo kisakubōmba ikyēne, panongwa yakuti abēne bikukigūlila ikyēne.”

⁵¹ Polelo, une ndinkwiputa kangi une nāliputīle. Kangi pa nsebwe gwangu ukugomokela ku kāya, une nīsāga pamwanya, pa kyakukōnga i Kilēmbélo, Pandungu, kifuki isala ya kalongo, Une nālimile nkyumba, ukufuma pa kipanga ulubunju lula, kangi nāketelāga panja.

⁵² Kangi une ndikukēta imuli sikumulika, pamo u luko lumo lwa bwēlu bukululika. Kangi une nākētīle i ngalamu iyi yāli mu mpiki, kangī—kangī akēne kāli kanini fiyo kwa une ukutusulila. Une ngākalondaga akēne mma. Kangi aalipo umunduyumo uyungi atusulile akēne, kangī, akabalilo kako abēne baabombile, abene bātusulile iyene ni ndusu inywamu fiyo. Ikyene kyapufukaga ingalamu lōsa. Une ngāpālīsyē i—i—i njila yīyo ikyēne kyābōmbīgwe.

⁵³ Akabalilo kāko une ndinkusumuka ukubūka ku Phoenix, une nālimbūlile Nkundwe Dawson ikyo, kangī Nkundwe Mosley. Une mmenye umwēne ali apa. Une nālimbwēne umwēne ilisiku limo, pabuyo bumo apa. Kangī umwēne ābūkāga na une, umwēne nu nkasi gwāke. Kangī une ndinkuti, “Ugwe

ketesya kangu ukete, uyo yo ISI SYO IKUTI U NTWA. Ikyene kikubonekaga injila iyo.”

⁵⁴ Ifilo uswe tulinkugũlila, ifilo fina pamo fihano, uswe twāfwīmīle, pamo amasiku. Kipala ugwe ukumbikamo mu mpiki i ngalamu pakilo. Kyābonike ukuya, ukwīsa ku kāya, abēne bālyābwīle imbwa, u mfwīmi uyu, uyu undumiana gwa kiMormon. Kangu i—i ngalamu yātikīle injila, pamo imbwa yātikīle injila ya ngalamu, ndigi, nu kubopesya umwēne mu mpiki. Kangu pa sala ya kalongo pakilo abēne bikwīsa, balinkutusumusya uswe ntulo. Uswe tulinkubūka pānja pala, kangu pala yālipo ingalamu yilayila mu mpiki. Ukumulika i muli, Nkundwe Mosley alinkuntusulila umwēne na kifuki i .44 luko lumo, yāfwēne yāpufulēnie i ngalamu yila sinda mu bubili. Kangu pala ikyene kyāli, itolo katikati injila ikyene kyāyobīgwe.

I lisiku ilikōnge, une nālyāgēne nu ndindilili gwa finyamana umwalafyāle gwa kīsu, uyūngi u m’Jack Mormon. Nālyegile abalumiana bala palikimo, ukubalongosya abene ukugomokela ku kāya kwa Kristi.

Une ngubabula umwe, Umwene yo yuyo mmayolo, umusyugu, na bwilanabwila. Kyala ikusisimikisya i Lisyu Lyake ukuya lululo.

Umwe mubapilike abāndu bikuyoba, “Ukukēta ko kwītika.” Ikyo kyo kikaya lōsa kyabwānalōli. Abāndu bīngi bikukēta kangu abēne pōpe batikwītika.

⁵⁵ Amasiku aga Yeso āli pa kīsu, nongwa ya fiki abēne bakālimmwāgēnie Umwēne, ukuti Umwēne āli Lisyu lya Kyala lyābonekeléga pabwelu? Nongwa ya fiki abāndu bakāsyagenie ukuti Mōse āyobīle, “U Ntwa Kyala gwinu isakufyusyaga u nsololi afwanikisigwe bo une?” Kangu Umwene āfwanikisye i Lisyu lililyosa ili Bangeli liyobile ukuti Umwene ikubombaga, loli abene bakālitike ikyene.

⁵⁶ Loli Kyala, mu ngulilo yililyosa, asisimikisye i Lisyu Lyake ukuya lyabwanaloli. Umwene bwila ikusisimikisya i Lisyu Lyake. Polelo abene bikuyoba utubalilo tumo, ukuti, “Ukuketa ko kwītika.” Ikyene kikaya lululo mma. Lōli uswe tumenye ukuti Kyala ikukīndilīla mulamula ukusisikikisya i Lisyu Lyāke mu ngulilo yililyosa.

⁵⁷ Uswe tumenye ukuti Umwene asisimikisye ikyene kwa Adamu na Eva, ukuti akabalilo kako Umwene ayobege, “Ilisiku umwe mukulya ukufuma kula, ilisiku lila umwe mwisakufwa naloliloli.” Uswe tukufimbilisigwa ukwitikisya ikyo, ikyo kyo bwanaloli. Uswe tukwitika ikyo, kabuno Umwene asisimikisye ikyene kwa uswe, kangu uswe tumenye ukuti ikyene kyo bwanaloli.

⁵⁸ Lilino uswe tukwegaga itolo ubuyo bumo ubu Kyala naloli āsisimikisye i Lisyu Lyāke. Unko uswe twege, ukwegelēla itolo, mmasiku ga—ga Noa. Kyala āyobile kwa Noa i ndumi iyi

naloliloli ya nsitasayansi kangsi nsitakwītikigwa. Nayumo ābagile ukwītika. Ukwēne kukātīmīlēmō siku pa kisu. Kisitasayansi!

⁵⁹ Lumo abene baali ngulilo ingulumbapo iyasayansi akabalilo kala ukukinda uswe tuli lilino, panongwa yakuti abēne bayēngīle amapiramidi na basifinkisi, na fyosa bo ifyo, mmasiku gala, ifi uswe tukabagila ukuyenga lilino. Abēne bālisibilene na maka, aga luko lumo ulwa maka ga bumang’anyi, lumo ga atomiki pamo ikindukimo, ukuti abēne bābagile ukwīnusya gila imilyālābwe iminywāmu, igi uswe tukābagile ukubōmba ikyēne umwīsyūgu. Lōli abēne bābōmbīle ifindu ifikulumba ifyasayansi. Abēne bālinakyo ikīndukimo abēne bābagile ukukemusya u mbili, ukupela ugwēne ukuboneka gwakipeligwa ku bamia ba fyīnja. Uswe tutāgile ubwāti bula.

⁶⁰ Yeso aatile, “Mumo ukwene kwayilile mmasiku ga Noa, momumo ukwene kwisakuyilaga pa kwisa kwa Mwanundumiana gwa mundu.” Kangsi uswe tumenye ukuti uswe twe bākwingila mu ngulilo iyingi ingulumba iyasayansi.

⁶¹ Kangsi lilino i ndumi iyi Noa ālinayo yāli nu bwingi fiyo ngīndāne ku bwitiki bwa lisiku lila, mu kipanga, kangsi iyēne yōpe yāli ngīndāne fiyo ku fukulafukula gwa sayansi. Lōli Kyala asisimikisye i Lisyu Lyāke ukuya bwanaloli. Kyala asisimikisye ukuti iki unsololi yula aayobile kyaali bwanaloli.

⁶² Kangsi uswe tukwegaga uyungi ku kabalilo itolo. Abraham aali nsololi uyungi ugwa Ntwa, uyu i Lisyu lyālisilēko. Kangsi ukumbula umwene, akabalilo kako umwene ali ni fyinja malongo-mahano-na-mabili-na-fihano mbukusi, kangsi Sarah āli ni fyinja malongo-ntāndatu-na-fihano mbukusi, ukuti umwene ikuyaga nu mwana mwa Sarah. Lilino, kila kyali kinyomosyo kwa nsitakwitika. Ngimba umwe mubagile ukwinogonela, umwisyugu, ikindu kya luko ulu kikuboneka na mōpe mu lisiku ili, na fyōsa fyakukaba fyītu ifyasayansi, na bōsa aba abāna ba mapīpa-ga-lugelelo abēne bikuyobelapo na fyōsa bo ifyo? Loli unkikulu unkangale uyu, lilino ugwa fyinja malongo ntāndatu na fihano, kangsi unnyambala unkangale ugwa fyinja malongo mahano na mabili na fihano, loli i Lisyu lya Ntwa lilinkwisa kwa Abraham nu kumbula umwene ukuti iki kyayaga pakuboneka. Kangsi Abraham ālimmwitike Kyala. Lilino, kali ko kīngi nki Kyāla āyobile, kangsi kyo kyābwānaloli bulebule ikyēne kyāli, Abraham āfimbilisigwe ukwītika iki Kyala āyobile, ukupela ikyēne lūlo. Lilino keta mumo unnyambala yula āgeleligwe, nu buketi bwake, ukuti umwene nalōli ālitike.

⁶³ Unnyambala yulayula uyu ātendike ulwīlate lula, ukuti umwene ālitike Kyala, umwene yo mundu bo umwe muli, mwītūgēsye apa ikilo iki. Uswe tukāli tukwitika Kyala. Uswe tukufimbilisigwa ukwitika i Lisyu Lyake lyo Bwanaloli. Kangsi

Umwene isakusisimikisya icyene, ukuti Ilyene lyo Bwanaloli, linga uswe tukwitika itolo icyene.

⁶⁴ Lilino kéta u bupíngé ubu Abrahamu álinabo. Ikindu kyákwánda kyáli bukusi bwáke, malongo-mahano-na-mabili-na-fihano mbukusi, kangí Sarah ukuya malongo-ntándátu-na-fihano. Umwéne áli pabutali akísénie pa bwándulo bwa búmi, ubukolombe. Kisita kwilamwa loli iki icyene kyaalekile, ifyinja fingi pabutasi. Umwene aalitügèsyé nu mwene ukuya nkasi. Umwéne áli kalumbu gwáke gwásinda, lumo álimmwégile umwéne bo umwéne áli itolo kalíndwána mu butubwa bwáke, kangí álimmwégile umwéne. Kangi umwéne áfumile pakuya na bána nabamo. Umwéne áli naloliloli kyúmba. Kangi lilino uswe tukwaga ukuti, ukubomba iki, umwene afimbilisigwaga ukwipagulania mwene ukufuma ku bandu bosa aba bakálítike icyene, ukuti akiténdéke icyéne ukwisa kukuboneka.

⁶⁵ Une ndikusanusya ukuyoba ugwe kufimbilisigwa ukwipágúla gwímwéne ukufuma ku bándu. Loli ugwe kufimbilisigwa ukwipagulania gwimwene ukufuma ku losa luheho lwa kusitakwitika, nu kusyala kubutali na ikyo. Akabalilo káko abándu bikuyoba, “Aa, ifindu fila fitikuboneka! Ikyo kyo kipámbo kya bándu basyútano! Kikayapo ni kindu nakimo bo ikyo kikubonekaga,” itolo igala i mbulukutu syako nukusókápo. Komma ukupilikisya ku kyene.

⁶⁶ Ili Bangeli lyáyobile ukuti “Abrahamu akapepelwikemo ku lufingo lwa Kyala, ukwisila mbusitakwitika; lóli áli gwamaka, ikupa ulutufyo kwa Kyala.” Ingamu yake yasanusigwe ukufuma kwa Abram ukubuka kwa Abraham, ukusanuka kwa ngamu kwápelile i ngamu yáke, “tata gwa fikolo.” Ngimba umwe mubagile ukwinogonela unnyambala ikwitugala nu nkasi gwake, unnogandumbela gwake, ukuti umwene aalitugele nu mwene lilino ku fyinja fyosa ifi, kangí lilino pabuyo bumu mu ngulilo ya fyinja malongo lwele mbukusi, kangí unkasi gwake malongo-mahano-na-mabili mbukusi, kangí pópe kisita mwana pamo ulusubilo losa ulwa mwana, loli áliyóbile ukuti umwene áli “tata gwa fikolo.” Gwábagile ugwe ukwínogonèlo ubulóndabusobi bwa banyámbara abanini bikukísania bábagile ukuyoba, “Táta gwa fikolo, lilino balínga abána aba ugwe ulinabo akabalilo aka?” Kangi bosa ubulondabusobi umwéne áfimbilisigwàga ukukíndàmo nabo!

⁶⁷ Loli Abrahamu akaapepelwikemo paliposa na panandi, ubwa kusitakwitika. Umwene aalitike ukuti Kyala abagile ukubomba kíkuyo iki Umwene aafingile, ukuti Kyala ábagile ukusisimikisya i Lisyu Lyake, kali ko kabalilo katali nki icyene kyályégile. Loli mbuyo bwakuya monywa akabalilo kalikosa, mumo uswe tuyilile nu lweke ukubomba, umwene ali na maka akabalilo kosa. “Linga icyene kikaboneka umwisyugu, kilabo icyene kikuyaga kika ikikulumbapo, panongwa yakuti icyene lyo lisiku limo kikúlupo.” Yula áli Kyala, yula áli Kyala mwa

Abraham, kabuno umwene āmenye ukuti Kyala āsisimikisye ukuti Amasyu Gake gōsa ukuya lūlo.

Linga abāna Bāke bisakwēga itolo i Lisyu Lyāke, ukuti Umwēne abagile ukusisimikisya Ilyēne ukwīsila mwa ugwe! Iyo yo njila yēne Umwēne abagile ukusisimikisya i Lisyu Lyāke.

Umwēne atikusisimikisya Ilyēne ku basitalwitiko. Abēne bakabagila ukusisimikisigwa; abēne bo basitalwitiko. Lōli, Ilyēne likaya ku basitakwitika. Ikyēne kikaya kya basitakwitika mma.

⁶⁸ Ikyene kyo ku mwene uyu ikwitika. Kangi linga Umwēne abagile ukummwaga umunduyumo uyu isakwitikaga i Lisyu Lyāke, Umwene isakusisimikisya i Lisyu Lyake ukwisila mwa ugwe. Kangi utubalilo tumo ububine ni findu fikuboneka kwa uswe injila iyo, ukuti Kyala abagile ukwīsisimikisya Mwene.

Ngimba umwe mukukumbukila u nnyāmbala umfwamaso uyu Yeso ālimwāgile? Abēne balinkuti, “Yo ani uyu atulil’inongwa, umwene pamo ugwise, u māma gwake?”

⁶⁹ Umwene alinkuti, “Mu nongwa iyi, nayumo, loli ukuti imbombo sya Kyala sibagile ukumanyigwaga.” Muketile, ikyene kyābonike ku ndumiana ukuti Yeso ābagile ukuya mwimimikigwe. Utubalilo tumo ububine bukaya kigune kimo mma, ubwene bo lusayo, ukuti uswe tubagile ukusomeka ulwitiko lwitu panja pala nukukolela ifindu ifyo ifi fikaaliko, ukuya fifwanega ifyene fyaaliko. Kyala ayobile lulo, kangi Umwene isakusisimikisya ikyene momomo linga ugwe utikukofokaga itolo pāsi pa lugelo.

⁷⁰ Umwene ābagile ukusisimikisya Yobu, akabalilo kamo, ukuti umwene akabagile ukum’guna Umwene ku kisyo Kyake. Keta pa lugelo ulu Yobu aakindilemo. Lōli pāsi mu silasila ingego sya bufwe, umwēne pōpe alinkuyoba, “U Ntwa āpēle, u Ntwa asōsisyēpo, yisayigwēge i Ngamu ya Ntwa!” Umwene naloliloli aalitike ikyene. Kyala asisimikisye i Lisyu Lyake kwa Yobu. Umwene asisimikisye ikyene kwa Abraham. Umwene asisimikisye ikyene lululo.

⁷¹ Kangi Umwene āsisimikisye ikyene nu Mōse. Kangi akabalilo kako Mose, akabalilo kako ubukafu bwāli fiyo ukulwana nu mwene, Mose ālinakyo ikyene mminogono gāke, ukuti lumo, ukuya mbāngi, ukuti unna lumo ālimbūlile umwēne ukuti umwēne āpāpigwe mwāna unnunu. Umwene—umwene āli yo fundi gwake uyu aswīlile umwēne mu nyumba ya Farao, kisita kwilamwa ālimbūlile umwēne, “Mwanundumiana, uswe twīpūtīle ukuti uswe twisakubāngigwa, kangi uswe tukwītika ukuti ugwe gwe mwāna yula uyu Kyala isakubōmbēla ukubānga.” Kangi polelo akabalilo kako umwene. . .

⁷² Muketile, umwene alinkwisa kangi ayaga pakuya u—u mwanundumiana gwa mwanundindwana gwa Farao, kangi uswe tukusyāgānia ukuti umwēne āyāga gwakilingo ku kikota.

Fiki, kisita kwilamwa icyene kyāli mminogonelo gābo polelo, ukuti umwene ābagile ukuya Farao unkōnge, “Kangi umo mo mumo umwene ābagile ukupoka abandu, ukwisila ukuya Farao unkōnge.” Lōli Kyala ālinakyo i . . .Linga kila kyābagile ukuya lūlo, polelo umwēne āngāli abōmbile icyēne ukwīsila mu fyākupalamasigwa, ukwīsila a—a—a akabōmbēlo ka ndyāli. Lōli Kyala atikubombela bwila bo lula mma.

⁷³ Kyala ali ni njila Syake isyakubombela, kangi Umwene alinkuyoba Umwene “ikutwalaga abene panja,” Umwene aalimbulile Abraham, “Ukukinda ifyinja bamia bana,” Umwene ābagile “ukubatwala abene panja, ni kiboko ikyamaka,” Umwene āyaga “pakubonesya ifimanyilo ni fiswigisyo.” Polelo umwene akābagile ukubomba icyene bo ulo, popāpo Abra- . . . Uswe tukusyagania ukuti Abraham ālimmwitike Kyala, kangi apa alipo Mōse lilino ikwītika Kyala.

⁷⁴ Kāngi Mōse ākētīle pānja pa dirisha lilalila ili Farao ābōmbile, umwēne ābakētīle abāndu balabala. Ukuti Farao ākētēlāga panja pa bēne, bo, “A bāndu abagunigwe, a bāndu aba bāli nakyo nakimo lōli ikipambo kya būmilīsi, kuli u Kyala yumo, kangi yumo u Kyala gwandulangalanga kubuyobumo uyu abēne bāmēnyepo nakimo; ikiyēngo kimo ikisitakubonēka iki abēne bīputīla ngako, ukuti kikālipo nakimo ku kyēne. Abēne bo kipambo kya būmilīsi. Kangi abēne bāli kipāmbō kya batumwa. Kangi Kyala gwābo ukubaleka abēne ukuya batumwa, āsisimikīsīgwe ukuti Umwēne akāli Kyala.”

⁷⁵ Kangi mulamula nkatikati mwa kīndu kyōsa, Umwēne āswīlāga u nnyāmbāla yulayula. Kyala ikubomba ifindu mu njila ingindane, papapa kifuki pāsi pa bene. Komma umfundakyala, komma u mmanyisi, komma u mputi, komma yumo mwa banyambala abikēmo; loli itolo u nnyambala ugwamwālwe, apapigwe kuli i mbombo. Kangi Kyala alinkukolela umwene ukuya nsololi Gwake, nu kuntuma umwene ukusuluka kula. Kangi nakimo nkiboko kyāke lōli ingili inniōngāle, ukwakwāgāna na bābwīte, ifiyabo ifimanyisigwe ifi fyāpōnjwīle ikīsu kyōsa. Loli ni ngili yila nkiboko kyake, mumo Kyala ālīmbulile umwēne ukuti akolege ingili yila nkiboko kyake kangi umwene isakubapokaga Israeli, kangi umwēne alinkubuka kula nu kubomba icyene panongwa yakuti Kyala afingile icyene. Umwene ikubombaga bulebule icyene? “Une nguyaga na ugwe.”

Umwene alinkuti, “Nngisya une u lwimiko Lwako, Ntwa. Une ndinkololofu pakuyoba. Une ngabagila ukuyoba kanunu. Kangi une . . .” Umwene aali kwīleyela elifu-elifu.

⁷⁶ Loli Umwene alinkuti, “Une nguyaga na ugwe.” Kangi ikyo kyo kyosa icyene kyālyēgīle. Umwene alinkubuka, ikwega i Lisyu lya Kyala. Kalī bwāli bupalapala bulebule i mbōmbo yābonekāga, Mōse ākīndilile u kwītika Kyala. Kangi

Kyala asisimikisye i Lisyu Lyake, ukwisila mwa Mōse, ukuya bwanaloli. Panongwa yakuti, kisitakupāsyā isya iki kyābonike pabuyo, Mōse āsyēle palapala ni Lisyu. Nkabalilo ka bwēndo . . .

⁷⁷ Kyala ābabūlile abēne, pāsi mu Igupti, yōpe, ukuti Umwēne isakubapokaga abēne, “Mu kisu ikifingigwe, i kisu ikinunu, kīswile nu lupyū nu lūki.” Kangi ikyene kyāli naloliloli pala. Abēne bakāmenye ukuti ikyene kyāliko kula, loli Umwēne alinkuti, “Ikyēne kiliko, kangi une mbapēle ikyene kwa umwe. Ikyēne kyo kitalile kyīnu, itolo būka kīyobēle ikyēne!”

⁷⁸ Kangi mmatengele, akabalilo kako bingi ba abene bikusōka panja, bikumoga mwa Mbepo, akabalilo kako Miriam ākubile i ngwāya; bikulya a mānna ukufuma ku Mwanya; bālimpilikisye u Mōse ikwimba mwa Mbepo; bikukētēsya ifika ni fimanyilo fikubūka panja. Lōli akabalilo kāko ikyēne kilinkwīsa ku bubonesyo, ukwitika i Lisyu lyōsa ilya Kyala, ulufīngo lōsa, abēne balinkutoligwa.

Bene babili ba abene bālitike ikyēne, uyo aali Yoshua na Kalebu. Kangi abene baatwele ubuketi ukuti ikisu kyaali kinunu.

⁷⁹ Lōli, isyakusyūngutīla syāli, ikyo kyo iki kyāli iki kyāpīngāga abēne. Panongwa yakuti, abene balinkuti, “Uswe tukabagila ukwega ikisu kila, panongwa yakuti utwāya twābo tuyēngeligwe imbasa, abīmīlīlī bābo—bābo—bābo pala. Komma abīmīlīlī bābo, lōli abābo—abābo abāndu bo mīndu imikulumba. Fiki, uswe tukuboneka ngati mbāsi, pamwanya kifuki na bēne.”

⁸⁰ Yoshua na Kalebu bāyobile, “Uswe tuli bakīnda babagili ukwēga ikyēne.” Fiki? Kyala apele āpēle ikyēne ku bēne, kisitakupāsyā bo bunywāmu nki imīndu gyāli. Ikyākupīnga kyāsanwīsyē nakimo ku bēne. Kyala ayobile lulo! Kangi Kyala asisimikisye ikyene na bene. Kangi abene babukile ukukilania nu kwega ikisu, muno Kyala ayobile ukuti abene bikubombaga isyene. Umwene asisimikisye isyene ku bene.

⁸¹ Lilino, akabalilo kako abene bikwisa pala mu mwesi gwa Epurelo, akabalilo kāko a mīsi gabelukāga pāsi ukufuma mfyāmba, pamwanya pa bubuguyuke bwa matalala, na fyōsa bo ifyo, kangi kyābonike ngati Kyāla āli ndagīli-gwabwīte undōndo, ukulōngosya ababwīte Bāke kulakula ukufika ku buyo, Umwēne ābatēndike abēne ukupīngigwa ukufuma ku kisu ikifīngigwe. Kangi kalakala akabalilo Umwēne abapokile abēne, āyaga pakubēga abēne ukukilanisya, ugwēne gwāli mwēsi umbībi ukukīnda-gyōsa nkyīnja kila. Akabalilo kāko Yorodani ātēkāga ifiloboko fyāke, ēndāga pānja mpaka mmigūnda. Fiki, linga abene bayaga pakubegela abene kwīsilya, ukwene āngāli kukuyaga nkabalilo ka palumu, akabalilo kako abene babagile ukwēnda ukukilania. Loli Umwene āgūlīle mpaka a misi gafikilepo ukuya masolofu. Umwene iganile ukunangisya ukuti

Umwene yo Kyala. Umwene iganile ukusisimikisya i Lisyu Lyake, kisitakupasya.

⁸² Komma ukupasya kali u ngānga āyobile, “Ugwe kufwa na kansa.” Ikyo kyo kyosa nnyambala amenye. Lumo a misi masolofu kuli bamo mwa umwe, ikilo iki. Loli, kumbukilaga, Kyala āfingile ulufingo. Kyala ikwima ni Lisyu Lyake, kangi Kyala ikusisimikisya i Lisyu Lyake. Ubwene bo Bwanaloli.

⁸³ Umwēne āgūlīle mpaka amīsi gayāga gāndipa, mpaka agēne galinkuya masolofu kangi pamwanya pa mitu gyābo, na fyosa bo ifyo, kangi polelo Umwene alinkwigula injila. Umwene alinkubuka pankyeni pa bene nukutendeka injila.

⁸⁴ Bulebule abēne bāyaga pakufika nkati, ku Yeriko, akabalilo kāko akēne kāli kigaliligwe mōsa? Yoshua āswigaga. Umwene āmenye Kyala āndongosyāga umwene mpaka na lino, ilikato ilikōnge lyo lya Kyala.

⁸⁵ Ilisiku limo, akabalilo kako umwene āsōkaga ukusyungutila, ikukéta ifibumba, umwene alimbwene u Nnyambala imile nu lūbo Lwāke lusopoligwe. Kangi umwene alinkukwaba ulūbo lwake nu kubuka ukwakwagana nu Nnyambala, umwene alinkuti, “Yoywani Ugwe uliko? Ngimba Ugwe uli na uswe pamo ngimba Ugwe gwe ndugu gwitu?”

⁸⁶ Umwene alinkuti, “Une ne Kapitao gwa kilundilo kya Ntwa.” Kangi Umwene ālimbulile umwene ifyakubomba. Mūmo umwēne ikupūtāga ingangabwīte ni kibūmba yikugwa pāsi, ukuti abēne bābagīle ukubopa ulubopesanio lwa gileta ukukilania ikyēne? Kyo fiki kikuyaga ni kalikōsa ukubōmba ni ngangabwīte?

⁸⁷ Kyala ikubombela imbombo bo ulupepe. Ikyene kili lūlo, ubupepe bwa ikyene, iki kikipela ikyene Kyala kwa une. Uswe akabalilo kōsa tukugela ukukyāga ikindukimo ikikulumba, isakubōmbāga ikindukimo, kangi Kyala...kimo ikikulumba ikipāngānio kikuyaga pakwēga ikīndu kyōsa nu kupyāgila ikyēne kyōsa pānja. Akabalilo kako, Kyala ikwega u mundu umpepe, itolo u mundu yumoywene ntiga uyu Umwene abagile ukukolelela mmaboko Gake, kangi Umwēne isakusisimikisya i Lisyu lililyōsa ili Umwēne āyobile, ukwisila mu Lyēne. Kikwēga bo i njila innini imbepe!

⁸⁸ “Kuba i ngangabwite.” Komma kumbaga lōsa ikibumba, loli, “Itolo kuba i ngangabwite, kangi ifibumba fikugwilaga pasi. Ukukoloma kwa ngangabwīte kwīsakūkong’onda ifibūmba pāsi.” Bo butoyofu buki ku linogono lyamumbili! Lōli Kyala āsisimikīsyē i Lisyu Lyāke lyāli lyābwanaloli, kabuno i kibūmba kyāgwīle pāsi, kimo pa kinine. Abēne bābūkāga ukutalula mmwanya kangi abēne balinkwēga akāya.

⁸⁹ O, Kyala iganile ukusisimikisya Mwene ukuya Kyala! Yoshua aamenye ikyo. Ilisiku limo, kangi akabalilo kako umwene imege pala, kimo mwa fiswigo ifikulumba ukukinda

iki kyābombigwemo siku, panja pa bufwe, ukusyiligwa, nu busyūke bwa Yeso Kristi. Akabalilo kako undugu... Umwene abasyūngutisye abēne, kangsi ababwite abakindane bāli mfyamba. Umwēne āli na bēne basyūngutisigwe, kangsi ilisuba lyābūkāga pāsi. O, mwe, ko kabalilo nki akēne kāli kwa Ngulumba-gwa-bwite Yoshua!

⁹⁰ Kumbukilaga, umwēne ālwile ikīsu kila ukukīndamo, kisita kuya ni kipatala, u nāsi, ikibugutila kya butuli-bakwānda, pamo āli nu nnyambala yumo umfulasigwe. Mbula une ikindukimo iki kibagile ukukitola ikyo. Ena, nkulumba. Umwēne akālimo nakyo siku nakimo ikipitala, nabamo abanāsi, kangsi akatāgilemo siku u nyāmbāla gwēsa, pēne pāpo abēne bālingile mu bwīgāne ni Lisyu lya Ntwa. Kyala āsisimikisye ukuti Umwene āli na bēne. Uko ko kotalusya. Kētēsya lilino.

⁹¹ Kangsi uswe tukusyāgānia ukuti Yoshua āmēnye, linga ikilo kikwisa, abēne bisakusobaga ukusyūngutila nu kwiyēga yumo nu nnine, kangsi—kangsi ukwiyēga bēne palikimo nu kupela ikibugutila kya bwite ikīngi ikinywāmu, kangsi umwēne āngāli ikuya na kabalilo akatamie na bēne ilisiku ilikōnge. Umwēne akāmēnye ikyakubōmba, popāpo umwēne alinkukēta kwa Kyala. Umwēne āfūmbilwe ubutūli, kangsi umwēne āfūmbilwe lila ilisuba ukwīma kimyemye. Popāpo umwēne itolo alinkulagila ilisuba lila ukwīma, kangsi i... āyobile kuli “u mwēsi ukwītulika pamwanya pa Ajalon,” komma ukusema mpaka umwēne āgulagile ugwēne. Kangsi u mwēsi ni suba filinkusyāla ku sala malongo-mabili-na-sina, akabalilo kāko Yoshua ālwile ubwite nu kupōnjola u ndugu, panongwa yakuti umwene ali palapala pa lukindi lwa mbombo. Umwene ali nu bwabuke ukubomba ikylene, panongwa yakuti umwene apilikilaga ululagilo lwa Kyala.

⁹² Kangsi akabalilo kosa ugwe uli mu lukindi lwa mbombo, kukyunga i Lisyu lya Kyala, ukubomba itolo iki Umwene ākubulile ugwe ukubomba, kukūya ukwisila mu ndagilo sya Kyala, ugwe uli nu bwābūke ukuyoba ku kyāmba kila, “Sōkapo!”

⁹³ Kyala ikwima ni Lisyu Lyake. “Linga ugwe kuyoba ku kyamba iki, ‘Epuka’ komma ukwilamwa mu ndumbula yako, loli kwitika ukuti iki ugwe uyobile kisa kubonekaga, ugwe ubagile ukuya nakyo ikyo iki ugwe uyobile.” Yeso aayobile ikyo, mwa Mwikemo Mariko 11:22. Ubo bo Bwanaloli. Une mmenye ikyo kyo Bwanaloli. Ilyene lyo Lisyu lya Kyala, kangsi ikyo kikususimikisya ukuti ikylene kyo Bwanaloli. Uswe tukutūla itolo utubalilo tumo. Uswe tukufika pa buyo, uswe tukutūla Umwēne atisakukyūnga i Lisyu lila. Umwēne isakukyūnga i Lisyu lila. Umwene āyobile Umwene ikubombaga ikylene. Lilino, uswe tukwaga ulo lo lwabwanaloli. Umwene asisimikisye ikylene.

⁹⁴ Ubusololi bwa Yesaya, akabalilo kamo, iki kindukimo

iki kikābonikèmo siku; nasiku kyābōmbigwe pabutasi, kangu nasiku ukufuma pala. Umwene alinkuti, “Umfunde isakuyaga ni kifuba.” Ngimba umwe mubagile ukwinogonela unkikulu, kisita kumanya unnyambala, ikuyaga nu mwana? Yesaya aatile, “Umfunde isakuyaga ni kifuba.”

Kangi Kyala alinkupela umfunde ukuya ni kifuba, ukusisimikisya u bwānaloli bwa Lisyu Lyake. Umwene asisimikisye i Lisyu Lyake, panongwa yakuti umfunde alinkuya ni kifuba nu kupapa u Mwanundumiana.

⁹⁵ Lilino, i Lisyu lila lipeliigwe ukuya mbili, kēta iki Ilyēne lyābōmbīle. Akabalilo kāko u Mwanundumiana yula āsōkīle panja, Umwēne āli Lisyu Mwēne. “Ku bwandilo lyalipo i Lisyu, kangu i Lisyu lyāli na Kyala, kangu i Lisyu āli Kyala. Kangu i Lisyu lyapeliigwe ukuya mbili nukwitugasya pakati pitu.”

⁹⁶ Umwene āli Lisyu lila ilyabumi. Umwene āsisimikisye Umwene āli Lisyu lila ilyabumi. Umwēne āyobīle ku bamanyisi bala aba lisiku lila, “Ywāni abagile ukundobesya Une isya butulwanongwa?” *Butulwanongwa* bo “kusitakwītika.” “Ywani abagile ukumbula Une ukuti une ndi nsitamwitiki? I Lisyu lililyosa ili lisīmbigwe sya Une, lifwanikisigwe.” Isyabulagusi isyabumalikisyo ihano-na-ibili isya būmi Bwāke syafwanikisigwe mu sala syabumalikisyo ihano-na-ibili, pa kipingika. Kilikyosa kyasimbigwe isya Umwene, kyafwanikisigwe, panongwa yakuti Umwene āli Lisyu. Umwene āsisimikisye Umwene āli, āli. Umwēne ābūmbulusyāga ababine. Umwēne āsyūsīsyē abafwe. Umwēne āpōnjwīle ubufwe, gehena, kangu ilipūmba. Umwēne āsisimikisye Umwēne āli Lisyu.

Kētēsya inongwa iyi apa ku nyumba ya Yairo. Umwēne āli. . .Umwēne ābabūlīle abēne u bwānalōli. Uswe tukukēta Umwene bo Umwene ālobwike i nyanja. Umwene ikwisa nkati.

⁹⁷ Ālipo unkīkūlu unnini pamwanya pa kām̄ba, uyu ātagile ihela syāke syōsa na bagānga. Kisita kwīlām̄wa, abagānga bābōmbīle fyōsa abēne bāmēnye akabōmbēlo, ukumfikisya u nkīkūlu ukuya kanunu; lumo aba kiHiburi abaganga, kangu uyo aali nkikulu gwa kiHiburi, polelo abene baabombile fyosa ifi abene babagiile kuli u kalumbu gwabo. Palema nalinga, abēne bakālinakyo nakimo ukwīmīka ukusulula kwa lilopa ili, iki kyāli, lumo, akabalilo kabugolombe kangu ililopa lyāke lyasululwīke pānja mpaka umwēne. . .akāndu akanini kāli kōnywa fīyo umwēne alinkutuligwa nu kusyūngutīla kangu mma. Kangu umwēne ātalile āpilike isya Yeso. Kangu akabalilo kāko umwēne ākētīle akabwāto akanini kakugata mu miyibiyibi, umwēne alinkusuluka pāsī ukwakusyāgānia.

⁹⁸ Ikilūndiko kya balōndesya-busobi Bāke bālīmīle pala. Kangu Umwēne akaya nsita balōndesya-busobi umwīsyūgu. Linga abēne bātālīle bāmēnye Yūyo Umwēne āli, abēne āngāli batikuya

balōndèsya-busobi Bāke. Loli abene bāli balondesya-busóbi Bāke panongwa yakuti abene bakāmenye Uyu Umwene āli.

Kangi iyo yo njila ni Ndumi umwisyugu, bīngi fīyo abanyāmbāla na bakīkūlu bikulōndēsý’ubusobi Iki panongwa yakuti abēne batikumanya iki Ikyēne kili.

⁹⁹ Yeso aatile, “Linga umwe mwaalimmenye Mose, umwe angali mummenye Une. Mose aayobile isya Une. Abanyambala abakulumba bingi balisyūkile ukuketa ilisiku ili. Linga une ndikubomba imbombo sya Tata Gwangu, polelo komma ukwitika Une. Une ndinabo u buketi ubukulumba,” Umwene alinkuti, “ukukinda yula gwa Yohani, ku mbombo isi Une ngubomba, ukusisimikisya ukuti u Tāta ali na Une.” Umwene aali ni mbombo ingulumbapo, panongwa yakuti Umwene aali Ndinganisigwe. Yohani alinganisigwe yōpe, ukuya lisyu lya yumo likulila ndulangalanga. Lōli akabalilo kāko Umwēne ikwīsa, Umwēne āli nsololi uyu Mōse āyobilepo āngāli ikufyūsýgwa mmwanya.

Mumo une njóbile ikilo kimo, Umwene īsaga mu ngamu itatu; ingamu ya Mwanundumiana gwa Kyala, Mwanundumiana gwa mundu, kangi Mwanundumiana gwa Davidi.

¹⁰⁰ Akabalilo kako Umwene aali pa kisu apa, akabalilo ka kwanda, Umwene aali Mwanundumiana gwa mundu. Umwene akābagile ukuya Mwanundumiana gwa Kyala akabalilo kala; Umwene akāyobilemo siku ukuya. Umwene ātile Umwene āli “Mwanundumiana gwa mundu.” Akabalilo kāko yumo aligwesa isakundālūsya Umwene, Umwene alinkuti, “Ugwe kumbona u Mwanundumiana gwa mundu; u Mwanundumiana gwa mundu.” Lilino, “Mwanundumiana gwa mundu” yo *nsololi*. Umwene afimbilisigwaga ukwisa injila yila, panongwa yakuti, i Lisimbo, Umwene akabagila ukwisa nukulwana ni Lisimbo.

¹⁰¹ Iyo yo nongwa, umwisyugu, ukuti i Ndumi yitu—yitu iya sala iyi yikaabagile ukwisa ukwisila mu bafundakyala nu bufundakyala, ikyene kikufimbilisigwa ukugomokela ku kindu kilakila iki ikyene kyafingiligwe ukubomba. Ikyene kikufimbilisigwa ukuya injila iyo.

¹⁰² Polelo uswe tukwaga ukuti, mu Nnyambala uyu, Umwene abagisenie ukuya nsololi. Komma u Mwanundumiana gwa Kyala pala, Umwene abagisenie ukuya Mwanundumiana gwa mundu. Yehova Mwene aakolile abasololi, Yeremiya na bala, “Mwanundumiana gwa mundu.” “Akabalilo kako ugwe kumbona u Mwanundumiana gwa mundu...” “Yo ywani u Mwanundumiana gwa mundu?” abene balinkumilisya ukulālūsya.

¹⁰³ Polelo, Umwene ambombelaga ububombelambombo Bwake ukuya Mwanundumiana gwa mundu. Polelo Umwene ambombelaga Ububombelambombo Bwake lilino ukuya Mwanundumiana gwa Kyala. Kyala yo Mbepo, kangi akabalilo

kāko lilino Umwēne ābōmbīle imbombo ukukīnda mu Ngulilo sya Kipanga, ukuya Mwanundumiana gwa Kyala. Lilino, mu Fyinj'elifu, Umwene isakuyaga Mwanundumiana gwa Davidi, akabalilo kāko Umwene ikwitugasya pa kikota kya Davidi. Umwene isakuyaga gwakilingo ku kikota, Mwanundumiana gwa Davidi. Mwanundumiana gwa mundu, Mwanundumiana gwa Kyala, Mwanundumiana gwa Davidi, kangi umwene yo Nnyambala yulayula akabalilo kosa.

¹⁰⁴ Itolo bo yu Tāta, Mwanundumiana, kangi Mbepo Mwikemo; mbubombelambombo bwa Kyala. Umwene aali Kyala u Tata, polelo Umwene alinkuya Kyala u Mwanundumiana, lilino Umwene yo Kyala u Mbepo Mwikemo. Komma aba Kyala batatu; Kyala yumoywene, ukubonekela pabwelu kutatu, ifyakubagilila fitatu ifya Kyala yulayula.

Lilino uswe tukwaga, kangi mu sala iyi iyi uswe tulimo nu bumi, Kyala ikwima ni Lisyu Lyake itolo mumo Umwene ābombile akabalilo kala.

¹⁰⁵ Uswe tukusyāgānia ukuti Umwēne ikwīsa ukukilania inyanja. Unkīkūlu uyu ālitīke Umwēne, kyālipo ikindukimo nkati mwa umwēne kilinkwānda ukutika. Umwēne akāli nalyo i Lisimbo kuli ikyēne, kangi mma i Lisimbo limolyēnepo ukukīnda u Yoshua āfimbilisigwāga ukwīmika ilisuba, loli umwene aalitike mu ndumbula yake ukuti Umwene aali Mwanundumiana gwa Kyala. Polelo umwene alinkuti, “Linga une mbagile ukumpalamasya itolo umwenda Gwake, une nisakubumbulusigwaga.” Polelo umwene alinkugūtila ukukīndamo nkilundilo mpaka umwene apalamasyege unselekesye Gwake, kangi ukusulula kwa lilopa kulinkwima.

¹⁰⁶ Lilino, Umwene alinkuketa pa kilundilo, ukummwaga uyu alimpalamisisye Umwene. Kisita kwilamwa, aalipo umunduyumo. Umwene alinkwima. Bōsa abāndu ukubūmba Umwēne; kangi bāmo ukummūgila Umwēne, bāmo bikunseka Umwēne; u mpūti imile pala nukundālūsya Umwēne, kangi u banyambala-baputi, na fyosa bo ifyo. Loli baalipo bamo aba balimmwitike Umwene. Kangi, kangi ukukindapo akabalilo Umwene alinkwima, nakalinga itolo, alinkusyumbutuka ukusyungutila, alinkuti, “Ywani ambalamaasisye Une?”

¹⁰⁷ Bamo mwa bene balinkuti, “Fiki, Fundi!” Une ngusubila umwene aali Peteri alinkuti, “Fiki, ikilundilo kyosa kikubūmbile Ugwe. Fiki, ywani ‘apalamasisye’ Ugwe? Fiki, aligwesa ikukupalamasya Ugwe!”

Umwene alinkuti, “Loli une mmenye ukuti ulwīfimbilīsyo lukindile ukufuma kwa Une.” Umwene alinkuya monywa. Ubwene bwali luko ulukindane ulwa kupalamasya.

¹⁰⁸ Linga uswe twābagīle itolo ukukēta ikyo, nkundwe, kalumbu! Linga ugwe ubagīle ukumpalamasya Umwēne nu bupalamasye bumo bula! O, bāndu ababine, une ngwītēndekēsya

ukubipũtila umwe, itolo mu maminiti manandi. Une ngwitika ukuti une ndinagwe Mbepo Mwikemo, nayumo mwingipo u Mbepo Mwikemo ukukinda iki ugwe ulinakyo palapala panja pala, abanyambála aba balinakyo apa. U Mbepo Mwikemo yulayula, loli ulwene lo lulagilo lwa Kyalá; kangi linga ugwe kwitikaga ikyo ukuya lulagilo lwa Kyalá, ulwa kwiputula ababine, nu kubika amaboko pa bene, nu kukaga imbepo inyali, ni fingo isi Umwene apelile, ikylene kikuyaga kindu kilakila na ugwe. Ugwe kwisakwaga iki ugwe kusuma, linga ugwe ubagile ukwitika ikylene.

“Ngimba ugwe ubagile ukwitika ukuti une mbagile ukubomba iki?” alinkuyoba Yeso.

¹⁰⁹ “Ena, Ntwa, une ngwitika,” alinkuyoba unnyambala nu mwana ni fisilisili, “Une ngwitika ukuti Ugwe gwe Mwanundumiana gwa Kyalá uyu abagilile ukwisa nkisu kya pasi.” Lilino, uswe tumenye ukuti ikyo kibagile ukwega itolo akayiilo kala ukutwála ifyakukonga.

¹¹⁰ Lilino, mbibimbibi, unko uswe twinogone isya Umwene pakabalilo, apa Umwene alipo pa nsebwe Gwáke pamwanya. U nnini u mpũti isile ukusuluka, kisita kwilámwa lóli akĩnitũ akanini kala káli kítiki kamumpaka.

¹¹¹ Balipo bĩngi fiyo ba bēne nkĩsu umwĩsyũgu, abanini abitiki bamumpaka. Abene bikulonda ukwitika Ikyo. Abene bikulonda ukwitika ukuti u Mbepo Mwikemo yo gwanaloliloli. Abene bikulonda ukwitika iki kyo bwēndelo bwa bupostoli, muno Kyalá áfingile mmasiku agabumalikisyo Umwene isakonelelaga u Mbepo Gwake. Uswe...umwene ikulonda ukwitika mwa Malaki 4, ukuti Umwene áfingile, mmasiku ga bumalikisyo u—u Lwĩtiko lwapentekosti ulwapabwandilo lwisakugomokesigwaga ku—ku kipanga kangi.

¹¹² Malaki 4 ikwiyobela ikylene. “Keta, Une ngukutumaga kwa ugwe Eliya nu lisiku lyabumalikisyo,” uko ko kotalusya, “kangi umwene isakupyanikisya u Lwitiko lwa banike ku batata kangi,” muketile, “u Lwitiko lwa batata ku bana, kópe.” Muketile, ikylene kibagisenie ukuya.

Ugwe kuyoba, “Ena, yula áli Yohani u Mōsi.” Umma, umma.

¹¹³ Yohani u Mōsi áli Malaki 3. Uko ko kotalusya. Matai 11 ikuyoba lũlo, “Linga umwe mubagile ukwāmbilila ikylene, uyu yo umwene yũyo uyu ayobigwaga, ‘Kēta, une ngutuma untumigwa Gwāngu pankyeni pa kisyo Kyāngu.’” Umwene aali Eliya, naloliloli. Yeso aayobile ikylene kyaali. Loli komma u Eliya gwa Malaki 4, napanandi.

¹¹⁴ Panongwa yakuti, “Mbimbibi ukufuma pa Ndumi yila, i kĩa kyo kikuyaga kyākōkigwa nu moto, kangi abagolofu ukwēnda pānja pamwanya pa lĩto lya babĩbi.” Polelo ikylene kikabonekemo siku nkabalilo ka Yohani. Uswe tukufimbilisigwa ukuya ni Ndumi yikupyāgĩla ukugomokela

nu kubatwála abāndu panja pa kayīlo ka fipānga-fipāgúke fyōsa ifi, ukugomokela ku lwāpabwāndilo, u Lwitiko lūlo ulwapentekosti. Kangi uswe tukuketa ikyene kikubombigwa, ikyene kyo kufwanikisigwa ni Lisimbo ili libagisenie ukwisa ukuboneka. Gōsa a Masimbo gabagile ukufwanikisigwa. Malinga agakōngelelāpo pa ikyo uswe twābagile ukubōmbēla, ikyēne āngāli kikwēga une akatalipo ukukīnda akabalilo kāngu kamalike lilino, ukunāngīsya. Loli umwe mukupilikisya ifindu ifi, ukuti ifyēne fibagile ukuboneka itolo katikati bo ulu, ku bāna ba Abraham, itolo mumo Umwene āfingile.

115 Uswe tukuketa Yeso ukufyuka lilino ukwa kubumbulusya u ndindwana unnini. Nongwa yakuti, u gwīse, u nnini umwītiki gwāmumpaka, ikindukimo kīsile ku buyo ukuti umwēne āfīmibilisigwāga ukummwāgānia Yeso, popāpo, u ngānga ālintōlisye umwēne lōsa. Kangi umwēne alinkufwāla akanini akatili akatītu nu kwānda ukusuluka ukwa kusyāgānia kali umwēne ābagile ukummwāga Yeso. Muketile, Umwene akabalilo kosa ali palapala pala akabalilo kako ugwe kulonda Umwene. Umwene alimmwagile Umwene ikwisa itolo pa kiloboko.

116 Kangi umwene alinkuti, “Isaga ku ndindwana gwangu unnini, bīka amaboko Gako pa mwene, kangi umwene isakupeligwaga ukuya kanunu.” Alinkuti, “Umwene alambalele pa buyo bwa bufwe. Umwene yo mwana gwangu mwene ntiga.” Alinkuti, “Umwēne yo fyīnja kalongo-na-fibili mbukusi. Uswe tukaya na bāna abangi. Unkasi na une,” lumo, “tukukangala. Kangi uyu yo mwāna ntiga uyu uswe tulinagwe, kangi umwene alāmbalēle pa buyo bwa bufwe. Ntwa, une ngwitika Ugwe. Linga Ugwe kwisa itolo ukubika amaboko Gako pa mwene, umwene isakuyaga kanunu.”

Muketile, ngimba umwene asyagenie fiki? Umwene asyagenie ukuti i Lisyu ilifingigwe lya Kyala likuboneseligwa mu Nnyambala uyu.

117 Itolo mulamula bo yu Nikodemu alinkuyoba, “Rabi, mmanyisi, uswe tumenye Ugwe gwe mmanyisi gwisile ukufuma kwa Kyala. Uswe tumenye ikyene. Aba Farisai bamenye ikyene.” Nongwa ya fiki abene bakālataga ikyene? “Nayumo umundu abagile ukubomba ifindu ifi Ugwe kubomba, pene papo Kyala aali nu Mwene. Uswe tumenye ukuti Ugwe kwisa ukufuma kwa Kyala.”

118 Apa uswe tukusyagania ukuti Yairo ālitike ikindu kilakila. Umwene alinkuti, “Isaga ukibike ikiboko Kyako.” Umwene aamenye ukuti Kyala aali mwa Mwene. “Lambalikaga amaboko Gako pa mwanike gwangu. Palema nalinga umwene ali pa buyo bwa bufwe, umwene isakuyaga mumi.”

119 Umwene alinkwenda itolo pala nu mwene. Kangi bo umwene ikubuka, apa alinkwisa ugwakubopa ukugomokela,

nukuti, “Komma ukuntamia Umwēne, komma ukuntamia Fundi kangu mma. U—u ndindwana, afwile, umwēne akīndilepo lilino. Umwēne akīsènè.”

Yeso alinkusyumbutuka kwa Yairo, alinkuti, “Ngimba une ngaayobile kwa ugwe, ‘Linga ugwe ubagile itolo ukwitika, ugwe kwisakuketaga ulwimiko lwa Kyala?’ Linga ugwe itolo kwitikaga ikyene!”

¹²⁰ Umwēne alinkufika nkyumba, kangu pala abēne bāli, bōsa bikwīlumbūsyā nu kukūta, nu kulila, itolo bo bāndu balibōsa bābagile ukubōmba. U ndindwana unnunu unnini, u mwanundindwana gwa ntimi, āfwile, kangu umwēne āsigwēpo ukufuma nkīsu iki. Kangu lumu umwēne āfwile ku sala, kangu polelo abēne bāindambalike umwēne pānja pa katala, kangu bālitēdekisyē ukukemula umbili gwāke, lumu, nu kumbūka umwēne ukusōsigwāpo, kangu mu busyīlligwe.

Polelo uswe tukwāga ukuti Yeso ālīngile mu nyūmba. Abēne bōsa bīlūmbusyāga. Umwene ikuyoba, “Paga ulutengano.” Umwene alinkuti, “Umwene akaya mfwāno mma, loli umwene alintulo.”

¹²¹ Lilino ngimba umwe mubagile ukwinogonela iki abene binogonaga? “Fiki, unnyambala uyu uswe tumenye, lilino. Uswe tukupilikisya ukuti Umwene yo mwāna nsigwana. Kangu uswe tukupilika isya Umwene, fyosa i Fyake ifyakubopela ifyakubulagusi ifi Umwene ikutēndēka. Kangu lilino uswe tumenye ukuti umputi yo ntalusye, ‘unnyambala yula asyutilemo,’ kabuno uswe tumenye ukuti umwene afwile. U ngānga āfumwīsyē mwēne ‘afwile,’ kangu pala umwēne alāmbalēle. Umwēne akīndīle, kangu uswe tumenye umwēne afwile.” Abēne balinkuyoba, abēne balinkunseka Umwēne uku mūgila, mmasyu agāngi, bālimpelile Umwēne ikwīpilika nkosisgwasoni, ukwīsilā mu kulōndel’ubusobi Umwēne.

¹²² Loli Umwene aatalile āyobile ukuti umwene akāfwile mma. Ikyo kyo kyene iki kikwega. “Umwene agonile.” Kali bāli balinga abalondesy’ubusobi, Umwēne ikuyaga pakusisimikisya i Lisyu Lyāke! Umwēne ābīkile abēne bōsa pānja pa nyūmba, bēga bōsa abasitakwītika pānja. Ālyēgīle Peteri, Yakōbo, na Yohani, abitiki batatu, abaketi batatu, kangu u tāta na māma, alinkubūka nkati kangu alinkwēga u mwanundīndwāna pa kiboko, nu kuyoba mu njobelo iyi yakōlīle u moyo gwake ukugomokela ukufuma kubuyobumo pānja kula kwa Syepwa. Kangu u ndindwana alinkuya mūmi.

¹²³ Ngimba Umwene aabombile fiki? Umwene aasisimikisye i Lisyu Lyake. Umwene aasisimikisye kila iki Umwene aayobile. Umwene akaali mfwāno mma. Umwene aali ntulo. Lilino uswe tukusyagania, ukubomba iki, ukusyagania, kangu Umwene asisimikisye ikindukimo ikingi pala. Lilino Umwēne asisimikisye ukuti Umwene aali Kyala. Umwene asisimikisye

ukuti Umwene ali nu kumanyilanganila. Ketesya i Lisyu Lyake lyaayobile lilino. “Umwene akaya mfwe mma, loli umwene agonile utulo.” Muketile, umwene akaafwile mma, ukwanda itolo. Umwene aali ntulo. Aanangisye ubumanyila-ngánila Bwake. Lilino, bābagile ukuyapo bingi ba balíndwána abanini bāfwile ulubünju lula lulalula, lōli uyu akāfwile mma. Umwene āli ntulo, bo yu Lazaro. Kangi Umwene alinkunkóléla umwene ukufuma ku tulo kala, panongwa yakuti umwene akāfwile mma.

¹²⁴ “Kangi umwene uyu ikwitika mwa Une, palema nalinga umwene aafwile, loli isakuyaga mumi umwene; kangi aligwesa uyu ikuya nu bumi nu kwitika mwa Une, atisakufwamo siku.” Bene babo bali pa Buku gwa Kang’osi gwa Bumi, aba Umwene aatabwile akabalilo kako Umwene afwege, abo bo bābo Umwēne isakukóléla ukufuma mu tulo tula, pa lisiku lila, bala bābo bānyenyemusigwe na maka Gāke, aba bali na maka gākunyenemusya galāmbaléle mu bēne. Pópe bomūmo une nāyōbile ikilo kya mmayolo; pópe bo Elisha āfwile, kangi ififupa fyāke fyālāmbaléle mu lipūmba, amaka gākunyenemusya gala gākāli gāli pa fifupa fyāke.

¹²⁵ Naloli, Umwene asisimikisye ukuti Uyu Umwene aali. Lilino uswe tukusyāgánia kangi, lulalula, Umwēne āsisimikisye kangi, ukuti, mu Bahiburi untu gwa 4 kangi amanandi ga 12, Umwene asisimikisye Umwene aali Lisyu lya Kyala. Umwene naloliloli aabombile. Kētésya iki Umwēne ābōmbíle. Bahiburi, 12, Bahiburi 4:12 ikuyoba ikuti, “I Lisyu lya Kyala lya lyamaka ukukindapo, lyēngopo ukukínda ulūbo ulwa lugēngwe-kubili, kangi—kangi Ilyēne kangi lya Limanya-ngāni lya mīnogōno ni finyonywo fya ndūmbula.” Kētésya itolo pakabalilo lilino.

¹²⁶ Akabalilo kako Umwene ályandilepo ubutumigwe Bwake, ukufuma papo Umwene asókege panja ukunangisya ukuti Umwene āli Lisyu, akabalilo kako Umwene āsókaga ukufuma ndulangalanga ukufuma ku ngelo Syake, ālipo unnyāmbála uyu ingamu āli Peteri, ingamu yāke polelo āli Simoni. Kangi umwene ālisíle kwa Yeso nu nkundwe gwāke, Andrea. Kangi akabalilo kako umwene bo asegelelaga mu Kuyapo kwa Yeso Kristi, Yeso átile, “Ingamu yako yugwe Simoni. Kangi u tāta gwāko āli Yonasi. Ukufuma apa ugwe kwisakubilikigwága Peteri.” Ikyo kyaasisimikisye ukuti Umwene aali Lisyu, panongwa yakuti i Lisyu lya Mpilikisi gwa minogono ni finyonyo fwa ndumbula. Umwene aali Lisyu.

¹²⁷ Filipu akētíle iki kikuboneka. Umwēne alinkusókāpo ukusyūngutíla i kyāmba, ākīndíle i lisiku limo, nu kugomokela. Kangi umwene alinkutwala nu mwene umwinake ābilikigwága Nataniele. Kangi umwene alinkuti, “Ifindu ifi naloliloli fikubombigwa. Mōse āyōbile ‘u Ntwa Kyala gwītu isakufyusya u Nsololi’ bo umwēne, kangi apa u Nnyāmbála ali. Fiki, Umwēne ālimbūlíle Simoni uyu umwēne āli, na uyu tāta gwāke āli, kangi uswe tumenye ukuti iki Umwēne ikuyoba kyo bwānalóli.

Panongwa yakuti, Kyala ayobile ikyene mu Lisyu, kangu apa ikyene kisisimikisye ukuti Umwene ayaga pakubomba ikyo, kangu ikyo kikisisimikisya ukuti yula yo Mesiya.”

Kangu akabalilo kako umwene asegelele mu Kuyapo Kwake, Yeso alinkuyoba kwa umwene, alinkuti, “Keta um’Israeli, mwa uyu mukayamo ubugaasi.”

Umwene alinkuti, “Rabi, ngimba kabalilo kaki aka Ugwe gwalimmenyemo une?”

Alinkuti, “Bo Filipu akali nukukukolela ugwe akabalilo kaku ugwe gwali pasi pa mpiki, une nakubwene ugwe.” Umwene asisimikisye i Lisyu Lyake. Umwene asisimikisye i Lisyu lya Kyala. Umwene aabombile.

¹²⁸ Unkikulu pa kisiba, bo umwene ali...Ena, Umwene alinkunsuma umwene ukundeka Umwene ukuya nukunwa ku misi ukufuma ku ntoko ugu umwene akwabaga amisi ukufuma ku kisiba, kangu umwene alinkuti, “Umwene lo lukaya lwiho ukuti umwe baYuda ukusuma uswe bakikulu ba kiSamaria ikindu kya luko bo ulo, panongwa yakuti uswe tukaya nako nakumo ukubombelana.”

Umwene alinkuti, “Loli linga ugwe gwamenye Uyu ugwe kuyoba nagwe, ugwe angali kunsuma Une agakunwa.”

Umwene alinkuti, “I kisiba kyo kisolofu.”

Kangu u kuyobesania, bo ukwene kukukindilila nkyeni, akubumalikisyo Umwene alikusyagania iki u lutamio lwake lwali. Kangu Umwene alinkuti, “Buka kammwege undumego, kangu isaga apa.”

Umwene alinkuti, “Une nganun’dume aligwesa.”

Umwene alinkuti, “Ugwe uyobile u bwanaloli, kabuno ugwe gwali nabo bahano, kangu uyu ugwe kwitugasya nagwe akaya ndume gwako.”

¹²⁹ “Fiki,” umwene alinkuti, “nkulumba, une ngusyagania ukuti Ugwe gwe nsololi.” Umwene... “Uswe tukaali nagwe yumo ku finyin bamia bana, umwe mumenye.” Alinkuti, “Une ngusyagania ukuti Ugwe gwe nsololi. Lilino, uswe tumenye ukuti akabalilo kako Mesiya ikwisa, uyu ikukoleliigwa Kristi, akabalilo kako Umwene ikwisa, Umwene isakutubulaga uswe uluko lwa findu ifi. Ikyo kisakuyaga kimanyilo Kyake.”

Akabalilo kako Umwene ayobege, “Une ne Umwene uyu ikuyoba na ugwe,” Umwene asisimikisye i Lisyu Lyake. Umwene...uswe tukusisimikisya iki Umwene ikiyobela ukuya. Umwene aali yo Mesiya, u Mwanundumiana gwa Kyala.

¹³⁰ Lilino uswe tukusyagania, kope, ukuti unkiuku unnini uyu yuyo ali nu kusulula kwa lilopa ili, uyu apalamasisye umwenda Gwake, ikyo kangu kisisimikisye ku mwene ukuti Umwene ali Lisyu lya Kyala.

¹³¹ Lilino kumbukilaga, ikilo iki, Yeso áyobile...Pópe, mu Bahiburi, 1, Abahiburi untu gwa 3, une ngusubila umwene yo yuyo, Umwēne áyobile ikyo, “Umwēne lilino yo Mpūti Nkulumba,” ingulilo iyi uswe tukwītūgalámo lilino, “u Mputi Nkulumba itugesye mu Lwimiko lwa Kyala, ku Mwanya, uyu abagile ukupalamasigwa nu bwipilike bwa bonywa bwitu.”

Bahiburi 13:8 átile, “Umwene yo yuyo, mmayolo, umwisyugu, na bwilanabwila.” Umwene yo Kyala yulayula uyu Umwene áli akabalilo kala. Umwene yo yulayula ikilo iki.

¹³² Mwikemo Yohani 14:12, Umwene aatile, “Umwene uyu ikwitika mwa Une, imbombo isi Une ngubomba isakubombaga yope. Pope ukukinda isi isakubombaga umwene, kabuno Une ngubuka kwa Tata Gwangu.” Muketile? “Umwene uyu ikwitika mwa Une, imbombo isi Une ngubomba isakubombaga yope.”

¹³³ Mwa Matai 28, Umwēne áyobile, “Nkabalilo kanini kangi ikisu kitisakumbona Une kangi mma, lōli umwe mwisakumbona Une, kabuno une nguyaga na umwe kope nakubumalikisyo bwa kisu.”

¹³⁴ Yeso Kristi yo yuyo mmayolo, umwisyugu, na bwilanabwila. Umwene ikwima, ikilo iki, ukusisimikisya i Lisyu Lyake. (Akabalilo kangu kakindile.) Loli Umwene asisimikisye ukuti Umwene abagile. Umwene asisimikisye i Lisyu Lyake polelo, iki Umwene aafingile ku lisiku lila. Umwene ásisimikisye amasyu ga Yesaya. Umwene ásisimikisye amasyu ga Noa. Umwene ásisimikisye amasyu ga Mose. Umwene ásisimikisye kilikyosa kya masyu ga basololi.

¹³⁵ Umwene áfingile ukuti mu lisiku ili, i lisiku ili uswe tulimo nu bumi, ukuti i kisu kisakuyaga mu kayilo ka Sodomu, abēganabanyāmbāla. Keta itolo ku kyene nkisu umwisyugu, nkisu kyosa kuko une nendile; komma kwene kuno, kulikosa. Ikyēne kyo kifikilepo. Mu Sweden, abanyāmbāla abatubwa na bakikūlu ukubūku kukwāngàla pa matalala, ngelebunelōsa. Kangi abēne mu Germany kangi mu France, na kulikōsa kubūngi, ikyēne kyo itolo kifuki luko lwa basitalwīho ulu uswe tulinalo kuno mu United States. Iyēne yo ngulilo. Une, linga une ngulwagaga ulusako ukugomokéla, une ngulonda ukuyoba pa fimo mwa findu ifyabusololi, kwa umwe, ukubanāngisya umwe ukuti, ingulilo iyi uswe tulimo nu būmi. I Bāngéli lyāyobile ikyo, “Bāna babagile ukulagila abapāpi bābo.” [Ubuyo busitakandu pa tepi—Nsimbi]

¹³⁶ . . .Lisyu. Loli, kumbukilaga, Abrahamu aali nu luyungu, ulu lwali luyungu Isaka. Umwene aali ni mbeyu iyingi ukufuma ku bufwe bwa Sarah. Kangi umwene áli ni fyinja mia yumo-namalongo-mana-na-fihano mbukusi, umwene ályēgile u nkikūlu uyungi, áli na bānabalumiána bahano-na-babili palubafu lwa bānabalindwana, panongwa yakuti Kyala álinsanwisye umwene ukugomokela ku ndumiana untubwa akabalilo kako umwene

āli ni fyinja mia yumo mbukusi. Umwene āli akabalilo kala kangi itolo malongo-mana-na-fihano, polelo umwene. . . Uswe tumenye ikyo. Une ndumbilile ikyo kwa umwe apa mu California, ifyinja ifi fikindilepo.

¹³⁷ Kangi lilino uswe tukupilikisya ukuti u Luyungu lwa Abraham lukaya mbeyu yanaloliloli iyakugonana ukwisila mwa Sarah, uyu āli Isaki, uyu ābumbile i kikolo, loli u Luyungu lwabunyafyale lwāli nu lufingo, uyu āli Yeso Kristi. Kangi ukwisila mu Luyungu, Umwēne āfyūsise u Luyungu lwabunyafyale. O, mwe! Lilino uswe twe bupūti bwabunyafyale, i kīsu ikinyāfyāle, i kīsu ikikemo, tukupa i ndufyo kwa Kyala, i likemo lya milomo gyiitu ukupa ulutufyo ku Ngamu Yaake. Kyala asisimikisye i Lisyu Lyake, Umwene alyonile u Mbepo Mwikemo pa uswe.

¹³⁸ Umwene alinkuti, “Mumo ukwene kwayilile mmasiku ga Sodomu, momumo ukwene kwisakuyilaga mu lisiku akabalilo kako u Mwanundumiana gwa mundu isakusetuligwaga.” Lilino ngimba umwe mukētesisye? Ukufuma Mwanundumiana gwa Kyala, itolo bo Umwene akāli ukuya Mwanundumiana gwa Davidi, Umwene ikwisetula Mwene kangi ukuya Mwanundumiana gwa mundu. Ngimba umwe mukētesisye i Lisimbo?

¹³⁹ Kabuno, Umwene bwila ikubomba, Umwene atikubomba nakimo pene papo Umwene ikukipela ikylene ukumanyigwa ku bambombo Bake abasololi. Ikyo kyo katikati. Ikyo kyo iki ulufingo Lwake lwāli. Muketile? Umwene atikubomba nakimo. . . Kyala akabagila ukusyoba. Umwene bwila ikusetula ikylene, ikyakwanda, bo Umwene ikubomba ikylene.

¹⁴⁰ Keta ubwitugasye ubu uswe twitugele umwisyugu. Keta kuko uswe tulipo. Aligwesa gwa umwe isakwitikisya uswe tuli mu Sodomu gwa masiku aga. Umwe mumenye ikisu iki kili mu kyene. Apo po. . . ukukinda isubilo; bukyako u bupoki busyēle kuli i kikolo iki pamo ikikolo ikingi. Uswe tukindile pala lilino. Isololi isi sisololigwe isya iki, sifwanikisigwe. Kyala ikukwāngūla, ukwēga i ng’osi innini iyābumalikisyo yila kulikōsa iyēne yiliko. Iyēne yisa kuyaga yōsa nkati, ilisiku limo. Uswe tuli nkabalilo ka bumalikisyo. Keta, pabuyo-na-pabuyo.

¹⁴¹ Une ngukusuma ugwe, itolo ukuya nkundwe pamo kalumbu, ukuyenga itolo pa kabalilo ukongelelapo ka lwitiko bo tukāli uswe ukwiputula a bandu aba. Kangi une mmenye uswe tutikulondigwa ukubuka akabalilo kamo. Loli une—une—une ngulonda ukwanda ulukindi lwa lwiputo, polelo umwe mwe mukufimbilisigwa ukubuka akabalilo kala. Muketile? Umwe mwe mukulonda ukwitugasya mu lukindi lwa lwiputo mulitugasyaga. Loli itolo unko une, itolo ukuya nkundwe, itolo ngusosola ikindukimo kwa ugwe pa kabalilo.

142 Kētésya Yeso, mwa Luka 17:30, muketile, akabalilo kako Umwene aayobaga kula ukufwana kabalilo kabumalikisyo, mumo abene bikuyila bo mmasiku ga Noa. Polelo Umwene alinkuti, “Kangi bo, mumo, mmasiku ga Sodomu,” alinkuti, “akabalilo kako u Mwanundumiana gwa mundu ikusetuligwa.” U Mwanundumiana gwa mundu kangi, komma Mwanundumiana gwa Kyala. “Mwanundumiana gwa mundu,” muketile, ikyo kikutwala nkati Malaki 4 kangi, kulakula ukatalula kunyuma. Bosa ubusololi ubu bukwisa papapa muno, mumo ikyene kibagile ukubombeligwa. Umwene ikusisimikisya i Lisyu Lyake ukuya lulo. Uko ko kotalusya.

143 Kangi ketesya, mukubomba mumo, mumo Umwene ikōnelelaga u Mbepo Gwake pa mbili guligosa, kangi kyofiki kikuyaga pakuboneka pabuyo, mūmo ubupyānikisyo bwisakugomokelāga. “Kangi abanabalumiana na banabalindwāna bīnu bisa kusolola. Pamwanya pa babōmbibakīkūlu na babombibanyāmbāla Bāngu nisa Une ukōnelēla pānja ifya Mbepo Gwāngu. Kangi une nisakubonesya ifimanyilo mmyanya kumwanya.”

144 Une ndinakyo ikipīcha apa, ikya Nkundwe Lee Vayle ali apa. Une ngulonda ukubanangisya umwe itolo iki kyābonike pa kyamba, i lisiku limo, akabalilo kako abanike bosa aba sukulu básanusyaga panja, itolo pabutasi pa kimanyisyo ikikulumba iki ikya kwigula, i Fimyatiko Fihano-na-fibili. Akabalilo kāko abāna ba sukulu básōkile pānja, nāli pamwanya nkati mula ngwīpūta, apa gwālipo u Mōto itolo guliti lupāle gukusuluka pāsi, polelo ukugomokela mmwanya nukupufuka panja, nukusyumbutuka nu kwisa ukugomokela pāsi kangi. Ikyo kyo iki Umwēne āyobile iki ukubūka ukubabūla abāndu. Uswe...Pala Ikyene kili, kūko i sukulu sya Tucson...kangi kūko Ikyene kyāfyukile mmwanya mu mbepo.

145 Kangi sayansi yālyēgile ipiicha, na fyosa bo ifyo, kangi ālalusígwe isya Iyēne. Abēne balinkuti, “Ngimba kili kugu Ikyēne? Ngimba fiki fyabonike?” Abēne babagile ukutēndēka ikyēne mōsa, muketile. O, ikyēne kitikubōmbigwa mu nguto, mwēne mu mabyebye agāngisi. Ikyēne siku...Yeso, akabalilo kāko Umwēne āli apa, bālipo maelifu-elifu ga bāndu bakāmenyemo Umwēne āli pa kīsu. Ena. Bisakuyapo maelifu-elifu umwisyugu batisakupilikisya, abakalongo ba maelifu-elifu ba abēne.

146 Lōli kwisakuyapo, ku bala Bābo Ikyēne kitumígwe, abēne bisakupilikisya. “Abamahala bisakumanyaga u Kyala gwabo mu lisiku lila, kangi abene bisakukabāga imifūnjo.” Uswe tukusyagania ukuti, isala iyi uswe lilino tukwitugasayamo.

147 Kéta ku Sodomu lilino, kéta iki kyābonike. Umwene átile, “Mumo ukwene kwayilile mmasiku ga Sodomu.” Kyālipo ikibugutila kya bandu aba bālōndesyaga u mwanundumiana

umfingigwe. Uswe tukwitika ikyo. Yula aali yo Abrahamu ni kibugutila kyake. Pála kyälipo ikipamba ikilüngulano, Loti, sinda kigomokile-nyuma, löli u mwítiki; pási mu Sodomu. Ifiyabo fitatu fya bāndu.

¹⁴⁸ Filipo bwila ifibugutila fitatu fila. Ham, Shem, abandu ba Yafeti. Kangi, abitiki, abipela-bitiki, kangi abasitabitiki. Abene bali kulikosa, kangi uswe—uswe tukwaga abene mu kibugutila kilikyosa. Kangi, kulikosa, ugwe kubagaga abene. Kangi ni fibugutila fila fili apa. Ugwe kufimbilisigwa ukuyabania ikyo. Ugwe ubagile ukwēga ikyēne mulumula ukukīndāmo mu Lisímbo, itolo kikwīngisania kyēne mulamula nkati.

¹⁴⁹ Pilikisya ku iki. Keta kuno uswe twitugesye, pabuyo-na-pabuyo na mbusololi, ikilo iki. Lilino, aligwesa gwa uswe tumenye ukuti i kisu kili mbwitugalilo bwa kiSodomu.

Uswe tumenye isololi syosa isya Israeli, sili nkisu kyakukāya kāke. Linga ugwe kulonda ukumanya ikikolo kuko uswe twimile, kētésya Israeli, kūko ikyene kili.

¹⁵⁰ Linga ugwe kulonda ukumanya akayilo aka ikipanga kili, ketesya muno abakikulu bikubombela. Umwene yo kipanga. Nkēte umwēne, gwāmalaya, mbwāpufu; kētésya, kēta kūko i kipānga kiliko. Itolo kētésya ikyēne, muketile, muketile, itolo kētésya abakikūlu. Ugwe kukēta kūko, mūmo abakikūlu bikwifuyūla kangi bikuya babwāpuligwe fiyo, iyo yo njila i kipānga kyāko kili, mukētēle, i kyākwēgelēla.

¹⁵¹ Kētésya kūko Israeli ali, umwe mukukēta akabalilo kūko uswe tuliko. Muketile, itolo kētésya ifimanyilo ni fiswigo fila. Linga ugwe—linga ugwe, pamo linga amaso gako gigwike, muketile kuko uswe tuliko.

¹⁵² Lilino kētésya pabuyo-na-pabuyo pápo uswe tukwītugásya, i kisu mu bwitugasye bwa Sodomu. Lilino ketesya, “mumo ukwene kwayilile.” Lilino ketesya, aalipo yumo, mu lisiku lila, ikuketesya u mwanundumiana ugwalufingo. Abraham na Sarah, abene bakésyaga ku mwanundumiana umfingigwe mu kibugutila kya Abraham. Abene bakāli mu Sodomu. Löli itolo pa kabalilo, untu gwa bumalikisyo ugwa kyakuboneka, itolo bo umwanundumiana umfingigwe akaali akisa, balipo abanyambala batatu basulwike ukufuma ku Mwanya, u Gwandumi... Bāndūmi babili na Kyala. Kangi abene balinkusuluka pási nukuyoba na Abraham, pási pa nsyūnguti. Ngimba uko kotalusya? Kangi babili ba abene balinkubuka ukusuluka ku Sodomu nukukuuta ukulwana ni mbibi sya kaya kala. Kangi ikyēne kyāli itolo bo kukāli ukōkya kwa kisu kya Bāpānja, pa kabalilo kala. Yōsa Sodom āpyūtīgwe palapala akabalilo kala. Itolo banāndi bakwābigwēmo pānja, Loti na bānabalīndwāna bāke babili. Unkasi gwāke yōpe akāfwānikisyēmo ikyēne nasiku mma; ukwēne alinkusanuka. Mūmo une mbagile itolo ukuya na kabalilo ukubanāngisya

umwe ukuti lululu lilino, kũko i kipanga kila kikwimila pa buyo bula. Une ngulonda umwe muketesyel lilino.

¹⁵³ Kangi u Nnyambala yumoywene asyele kunyuma, uyu āyobile kwa Abraham, kangi Umwene ābombile ikimanyilo kwa Abraham. Kangi, ketesya, Abrahamu alimbwene Kyala mu fika ifikulumba fingi. Uswe tukwitika ikyo, bule uswe? Bo itolo u mwanundumiana ikwisa. Lōli bo akāli u mwānundumiana ukubonekela, pālipo ikimanyilo umwēne āpēgigwe.

¹⁵⁴ Panongwa yakuti, u Mwanundumiana, u Mwanundumiana ugwabwanaloli, āyaga pakuya Mwanundumiana gwa Kyala, ukwisila mu lwītiko lwa Abraham, muketile, āli Yeso. Uswe pakuya luyungu lwa Abraham, tufwile mwa Kristi, uswe tuli luyungu lwa Abraham.

¹⁵⁵ Kētēsya lilino itolo bo ikyo kikaboneka pa buyo, u mwanundumiana uyu ukwisa. Lilino, uyu Uyu asyele kangi āyobile kwa Abraham, āli ni nyuma Yake asīndile ku kisasa, kangi Umwene alinkuti, “Abraham.” Lilino, ilisiku limo itolo pabutasi bwa apo, umwene aali Abram. Lilino Umwene alinkuti, “Abraham, alikugu unkasigo, Sarah?” komma Sarra, S-a-r-r-a. S-a-r-r-a-h, u ndēnga. “Ali kugu unkasigo, Sarah?”

Alinkuti, “Umwene alinkihema kunyuma Kwako.”

¹⁵⁶ Umwene alinkuti, “Une ngwisa kukuyatila ugwe, muketile, ukufwana nu lufingo Lwangu ulu Une mbelile kwa ugwe.” Mmasyu agangi, “Akabalilo ka bumi, Sarah ikwandaga nkabalilo kake ka bumi kangi.”

¹⁵⁷ Kangi Sarah, ukuya nkangale, nkusi ifyinja mia yumo lilino, nkihema, alinkuseka ku sofū. Muketile, umwene alinkusekela ku mwene, alinkuti, “Bo bulebule u Nnyambala yula ikuyaga ntalusye? Muketile, une ne nkīkūlu unkāngāle, ntwā gwāngu Abraham panja pala, yōpe nkāngāle, ukugonana pakikolo kwamalike ku fyīnja.” Alinkuti, “Nguyaga bulebule une siku nu bwīkyēle kāngi nu ntwā gwāngu? Umwēne ukuya nkāngāle, kangi une nkāngāle, ngīsēnie pa kupāpa, indepa sya lupyu sikīndile, kilikyōsa... ‘Umwēne yo mūmano lōsa.’ Tubagile bulebule uswe nasiku ukuya nu bwīkyēle kāngi?”

¹⁵⁸ Kangi u Nnyambala yula, ni nyuma Yake yisīndile ku kihema, alinkuti, “Ngimba fiki u Sarah asekiye, ikuyoba, ‘Ngimba ifindu ifi fikuyaga bulebule?’” Ngimba ikyo kyo fiki? Ukukētēla-ngāni, u gwābusololi! Muketile? Muketile? Ikyo kyo iki umwēne ākētēle.

¹⁵⁹ Lilino Umwēne āyobīle, “Ikyo kisakugomokelāga kāngi, kangi u Mwanundumiana gwa mūndu,” iki kila kyāli, yula āli yo Mwanundumiana gwa mūndu palapala pala. Ena, umwene alinkunkolela Umwene Elohim, “Ntwā Kyala.” Elohim, aligwesa amenye uko ko kutalusya, Elohim yo Ntwā Kyala. “Ku bwandilo Elohim āpelīle imyanya ni kīsu,” u Fwanafwana Mosa Yula. U Mwanundumiana gwa mundu apeligwe ukuya

mbili, pala Umwene ālīmīle pala mu mbili pa kabalilo kala, ngati theofani, imile pala ukukētēla-ngāni iki Sarah āyobāga mu kihēma kumbenu kwa Umwēne. Umwene āfingīle. Kētésya. U Luyungu Lwabunyafyale Iwa Abraham lufingigwe ukukéta ikindu kilakila.

¹⁶⁰ Lōli kētésya Loti, umwēne āli nu ntumigwa pāsi pala, yōpe, babili ba abēne bābūkīle pāsi pala. Yumo mwa bēne ābūkīle pāsi, kangī uyungī ābūkīle pāsi nu mwēne, kangī abene balumbililaga nu kukōlela abandu ukubopa ukufuma ku bugasi ubu bwayaga ukwisa.

¹⁶¹ Pamwenepamwene, i kisu kikālītugesyemo siku mu bwītūgasyo bula, ukufuma i lisiku lila ili Yeso ātendike u lufingo, mpaka lululu lilino. Une ngulōnda ukundālūsya u gwāsyambukulu aligwēsa uyu abagile ukuya nkati nkiyūmba, pamo linga ugwē kupilika napōpe pa tepi iyi, kangī kupilika iyēne akabalilo kalikōsa, nālāmba nsīmbila une. Une mfūdile isyāmbukūlu lilino kuli fimo ifyīnja malongo matatu, i syāmbukūlu sya i Bāngēli, kangī pakālipo siku u mūndu uyu une ngētīlēmō siku mu syāmbukūlu syōsa isya kipanga, ukwisila mu ngulilo sya fipanga ihano-na-ibili. Ukuti uswe tuli lilino mu Laodikiya, kangī uswe tumenye ikyo.

¹⁶² Nasiku afumilepo ukuyapo u ntumigwe, uyu ābukilēmō siku kipānga kyōsa, ni ngamu iyi yikumalikišya na h-a-m, mpaka na līno. G-r-a-h-a-m, Billy Graham. Bālipo aba Moody, Finney, Sankey, Knox, Luteri, na fyosa bo ifyo, lōli nasiku u h-a-m, “tāta ku fikolo.” Lilino kumbukila, umwēne yo G-r-a-h-a-m, amasimbo ntāndātu. Lōli A-b-r-a-h-a-m yo masimbo mahano-na-mabili. Kētésya, abēne bali pāsi pala, Billy Graham, bikubūka mu—mu fiyabo fyōsa ifya kīsu, nukukōlēla ukufuma ku Sodomu, “Sōka panja, bopa u bugasi ubu bukwisa.” Akayapo nu nnyambala nayumo uyu une nummenye, mu ngunda, uyu ali nubukolelele bwa Kyala, pa lisyu lila ilya kwitikisišwa, bo yu Billy Graham ikubomba. Umwene abagile ukukitwala ikylene. Umwene akaya mbalakyala fiyo. . . Une ngusakikisya umwene yo mbalakyala, loli umwene akaya mmanyisi gwa maka. Loli Kyala ali nu mwene. U nnyambala yula isakwimaga pala ni kimanyisyo kya sukulu ya Ndungu, ukukōlelela abandu bala bakamandigwe. Umwene yo gwambombo gwa Kyala ugwa sala. Kwa uyu? Ikipanga ikipeligwa, iki kili mu Sodomu.

¹⁶³ Lōli kumbukila, kyālipo ikipānga kimokyēne kyamwambepo, kila kikāli nkati mula mu bufwīkigwe bwakipānga-kipāgūke, pōpe. Ikibugutila ikikōleligwe-panja, kangī abēne bālyāmbilīle i ndumi, bōpe, nu ntumigwa. Kangī ikylene kyāli fiki? Ukumanyila-ngāni aminogono aga gāli mu ndumbula. Kyala bwila ikusisimikisya i Lisyu Lyake.

¹⁶⁴ Unko uswe twipute. Gwempala Tata Gwakumwanya, akabalilo kapala aka, kuko inyinogono isi sikufimobilisigwa

ukupeligwa, akabalilo kakumalika kakukinda, uswe tukamanya sala nki u Ntwa gwitu abagile ukwisa. Kangi mumo uswe tukuketa isololi isi sisyu sipeligwe nu Mwene, ukwisila mu basololi Bako ukusuluka ukukinda mu ngulilo, syo lilino sikubaliligwa. O, Kyala, mumo une ngukupalisya Ugwe kuli iki, ukuti yope u nyambala umbagilila-mumbili, u nyambala abagile mu—mu bufundakyala, uyu abagile ukwima ukulwana na mabukomu ga kisu na basitakwitika, kangi pa fitapwa ifi, kangi ukukinda u nsyungulu gwa kwilamwa ukwima pala nkifu kangi gwabukifu, bamenye kuko abene bimile nukusisimikisya i Lisyu lila ukuya lyabwanaloli, ukwisila mu Masimbo. Kangi polelo uswe twe tukugulila pa Kwisa Kwako, Ntwa, ukwitika ifindu ifi ifingi ifi fisololigwe ukuti fisakubonekaga pa buyo, ukwima nu kwikyela ukukuketa Ugwe kwenda palapala pakati pa uswe nu kubomba ki kinu kilakila iki Ugwe gwayobile kyabagile ukwisa ukuyako, ukusisimikisya i Lisyu Lyako ukuya lyabwanaloli. Gwasypwa Kyala, a bana Bako ababine bitugesyapa.

¹⁶⁵ Une ngamanya ko kabalilo kingipo kalinga uswe tukubagile ukubomba. Iisuba lya kunamayolo lya likwilingila. Loli Ugwe ufigile, ku nsololi, “Ukwene kwisakuyaga Bwelu ukufwana kabalilo ka namayolo.” Kangi uswe tukuketa ilisuba lilalila likupanda ku busokelo, lya limo ili likwilingila ku bwingililo. Ubwigufu bwendile ni lisuba kangi lilino uswe tuli ku Kiloboko Kyakubwingililo, kangi i Nongwainunu yikwendela nu bwigufu. Lilino, Tata, uswe tumene iki kyo bumalikisyo bwa Nongwainunu, kubumalikisyo bwa kabalilo, u bumalikisyo bwa ngulilo. Umwene ikusulusigwa mwa Syepwa. Loli Ugwe ufigile ukuti u Mwanundumiana ikwisaga panja, u Mwanundumiana gwa mundu isakusetuligwaga. Mmasiku ga bumalikisyo, iki kikubonekaga. Imuli sya kunamayolo sisile, Tata. Uswe tukupalisya Ugwe panongwa ya ikyo. Kangi nukwifuyula mumo ikylene kiyilile, loli Ugwe kubomba ikylene kipepe fiyo, utubalilo twingi, mpaka ikylene kikubuka babutali pamwana pa bakulumba, abakoleligwa-lulo binogoni basolofu, kangi kusetula ikylene ku twana babo bisa kumanyila.

¹⁶⁶ Une ngusuma, Kyala, ukuti Ugwe kuyipelaga iyene ukuya lululo, ikilo iki, ukuti abana Bako abapelakisa apa bisakuketaga ulufingo lwa Kyala, kangi aligwesa gwa bene isakubumbulusigwaga, nukubuka panja pa apa, kilabo, ni mibili mingi imipya, nukuya kanunu kangi. Tupaga ikylene, Ntwa, ukuti abene babagile ukwega i Ndumi ukufuma kwa yumo ukubuka ku nnine, mpaka yula ugwabumalikisyo yula ali nkibaga, kangi polelo i kifigo kisa kwigaliligwa. Tutula uswe, gwempala Kyala. Une ngukusuma Ugwe, ikilo iki, nkisyo kya fyosa ifi, linga Ugwe itolo kwisa kamokene ukongelela, Tata, kwa une.

¹⁶⁷ Ikyene—ikyene kyafwanaga, ikilo kimo, abandu

bakaketesisyemo siku ikyene kingi fiyo. Loli, une ngusuma, unko ikyene kibombigwege kangi ikilo iki, Ntwa. Nongwa yakuti, une ngabūka ukukisānia akabalilo kāngu akayabiligwe ukuyoba, lōli une ngamanya bo butalipo bulīnga ukōngelélāpo uswe tukuyaga pakufimbilisigwa ukubōmba iki. Polelo, une ngusuma, Tāta, ngimba Ugwe kumbilika une? Kangi pilika ulwiputo lwa banyambala abanyakya na bakikulu aba bitugele apa ikilo iki, aba bisusigwe na Mbepo Gwako. Abene bitiki, Ntwa, Ugwe ubagile itolo ukubomba pakati pa bene. Kangi uswe tuli. . . Une ngusuma ukuti Ugwe kususimikisyaga i Lisyu Lyako ili Ugwe uyobile, “Umwene uyu ikwitika mwa Une, imbombo isi Une ngubomba isakubombaga yope.” Unko ikyene kiyege kangi, Yeso, ukususimikisya ukuti Ugwe gwe yulayula mmayolo, umwisyugu, na bwilanabwila. Une ngusuma ikyene ku lwimiko lwa Kyala, mu Ngamu ya Mwanundumiana Gwake, Yeso Kristi. Amen.

¹⁶⁸ Lilino, pa kabalilo kanandi itolo, une ngulonda ukumanya ukuti bandu balinga muno aba bali nago amakadi ga lwiputo. Une—une ngulonda umwe fyusya ifiboko fyinu, aligwesa gwa umwe mwe muli nago amakadi ga lwiputo. Mulimōsa, ikyēne kyo mulimōsa, une ngusakikisya, itolo kifuki kyōsa kimalike.

¹⁶⁹ Une nguswiga bandu balinga muno aba bakaya nago amakadi ga lwiputo, kangi loli umwe muli babine, ngimba umwe mubagile ukufyusya ifiboko fyinu nukuyoba, “Une ngaya nayo i kadi ya lwiputo, napāpo une ndi mbine. Une ne mfūmbwe.”

¹⁷⁰ Une ngulōnda ukubalālūsya umwe ukuya baluyīndiko pa kabalilo. Lilino, une niganile ukuyoba kwa ugwe. Ulo lo bwila lutamio lwangu, une nguyoba akabalilo katali fiyo. Lōli bo umwe mukwīsa, une—une angali ngusūbīla nu lusūbīlo ukuti Kyala isakususimikisya iki na iki une njobile ukuya Bwānalōli, kangi unko—unke Umwēne itolo akēte.

Lilino, balinga bitugesye panja pala aba babine, uyu amenye ukuti une ngamanya ikindu kimokyene ikya ugwe, fyusya ikiboko kyako. Itolo keta ku ikyo. Umma ndaga.

Une ngulonda umwe mwe mukaya nago amakadi ga lwiputo lilino. Amakadi ga lwiputo gikukoleligwa. Une ngulonda umwe ukwiputa.

¹⁷¹ Ili Bangeli liyobile ukuti, “Yeso Kristi yo yuyo mmayolo, umwisyugu, na bwilanabwila.” Umwene ikuyoba, “Umwene yo Mputi Nkulumba itugesye pala ikutendekela pakati pa lwīlāto lwitu.” Uswe tukufimbilisigwa ukufumusya ikyene tasi, bo Umwene akāli ukuya Mputi Nkulumba, panongwa yakuti Umwene ikuyoba itolo ku bufumusyo bwitu. Ngimba uko kutalusya, ndumbilili? Muketile, Umwene ikuyoba itolo pa kufumusya kwitu, iki uswe tukwilata ukuti Umwene yo fiki, iki Umwene abombile kwa uswe. Komma iki Umwene isa kubombaga. Umwene atalile abombile ikyene. Uswe

tukufimbilisigwa ukufumusya ukuti Umwene abombile ikylene. “Umwene afulasigwe panongwa ya ngilanio syitu, ni fulale Syake uswe twagangwike.”

¹⁷² Lilino, u Tāta Gwakumwanya amenye. Kangi ukukēta pa ugwe, ko kukēta une ngumwāgānia umwīnāngu unnunu gwa une umfuma ku Ohio, mwene nu nkasi gwake itugesye apa, yo Tata Dauch nu nkasi. Kangi une ngwitika, itugesye gwakibili pamo batatu ukufuma ku bene, yo Ntimi, Tata Blair uyu une numbwēne ikilo kya mmayolo. Ukwēne ko kwāngisi pamwanya pa kilūdilo, kwa une, panongwa ya muli isi apa syo sifwēne panini syakifūnienie kwa une, kangi une—une ndikukubona ugwe kanunu fiyo.

¹⁷³ Loli une ngulonda ugwe gwipute. Kangi ugwe bika pa ndumbula yako i kindu iki ugwe uli nakyō ndufūmbwe, kangi ugwe suma u Mputi Nkulumba gwitu, Uyu abagile ukupalamasigwa nu bwipilike bwa bonywa bwitu.

¹⁷⁴ Lilino, une kisita kumanya ugwe, kangi ugwe ubagile itolo ukupalamasya une mosa, ukuya bo kupalamasya u nkundwe gwāko, undumego, untimi gwako, umunduyumo, ikylene kitiku—ikylene kitikubombaga na kanunu umma. Loli linga ugwe kunpalamasya Umwene, kangi linga uswe tuli naloliloli mu bubāmba nu Mbepo Gwake, polelo Umwene abagile ukubombela ulwitiko lwako ukupalamasya Umwene, kangi ikyabupi kyangu ukwāmūla ukukinda.

¹⁷⁵ Muketile, une āngāli nguya itolo bo gwākinunu bo iki, iki kili *apa*, kisita i lisyu likuyoba ukwīsila ikyēne. Pabagile ukuyapo... Iki, iki kyo kyākinunu kisita kindukimo apa ukuyoba ukwisila mu kyene. Kangi momūmo yo mundu aligwesa, yo kyakinūnu, akabalilo kako ikylene kikwisa ku findu ifi, pene papo Kyala ikuyoba ukwisila mu bēne.

¹⁷⁶ Lilino ugwe iputa, kangi unko uswe tukete linga ifindu ifi fifyo une njobile fyo bwanaloli. Kyala tutula ikylene ukuya lulo. Une ndikuyoba ukuti Umwene ikubombaga. Une ngusubila ukuti Umwene ikubombaga. Une ngusubila ukuti Umwene ikubombaga. Umwēne akānsulumanisyāmo une siku, ukukīnda mfyīnja, ukukilania kangi ukusyūngūtīla i kīsū, nu luko losa ulwa fisu, na maelifu-elifu ga bandu. Umwene akatoligwāmo siku une mpakalino. Kangi une nsisimikīsyē, itolo ukuya nsisimikīsyi mūmo une ngwītika une ngwīma apa, Umwēne atisa kutolīgwa une lilino.

¹⁷⁷ Une ngubasumāga umwe itolo ukuya bālugīndiko kangi umilisyāga ukwītūgāsya, itolo ku kabalilo kanini. Uswe tukusātīsyaga ikilundilo ikinywamu nukwīputīla ababine, itolo nkabalilo.

¹⁷⁸ Lōli une ngulōnda umwe, umwe bitiki, ukuti linga umwe itolo mutikukēta kwa une, lōli itika. Yoba, “Une ngwitika ukuti iki u nnyambala āyobīle kyo Lisimbo. Une ngamanya

mumo uswe tuyilile kubutali nkabalilo mūmo umwene ikuyobela uswe tuli. Lōli, linga ikyēne kili, polelo ikyēne kikufimbilisigwa ukuboneka. Linga a Masyu gāke go Masyu ga Kyala, polelo, amasyu gāke gisakutoligwa lōli a Masyu ga Kyala gatisakubōmba.”

¹⁷⁹ Kyala ikufimbilisigwa ukutūla i Lisyu Lyake. Umwene isa kosisimikisya Ilyene. Umwene isa kosisimikisya Ilyene. “Umwene uyu ikwitika mwa Une.” Umwene āsisimikisye ukuti ili lyo lisiku ilyabumalikisyo. Umwene āsisimikisye iki kikubonekaga. Umwene āsisimikisye ukuti iki kyayaga pakuboneka.

¹⁸⁰ Kangi, kumbukilaga, Abrahamu ni kibugutila kyake bakaalyambililemo siku ikimanyilo kimokyene ukufuma kwa Kyala, mpaka umwanundumiana umfingigwe āliisile. Balinga bamenye ikyo kyo kyabwanaloli? Ikimanyilo kila ikya kumanyila-ngāni! Kangi u Luyungu lwabunyafyale lwa Abraham, unko une mbabūle umwe...Unko une mbabūle umwe, ISI SYO IKUTI U NTWA, umwe mukwambilila ikimanyilo kyīnu ikyabumalikisyo. Ikyo kyo kufwana ni Lisimbo kangi ubusetuli bwa Kyala ubu buli mu ndumbula yangu, ubu bukuyoba ukuti iki kyo Bwanaloli. Kangi une ngusubila ukuti umwe mukwitika ikyene ukuya Bwanaloli.

¹⁸¹ Lilino ugwe itika. Aligwesa itikaga itolo, yoba, “Ntwa Yeso, unko une ngupalamasye Ugwe. Une ndinako ukufūmbwa mu ndumbula yāngu, kangi une mmenye Nkundwe Branham akamanya nakimo ikya une. Une ngamanya nu nnyabala, umwene akampanya une, loli Ugwe umenye. Kangi linga umwene ambulile une u Bwanaloli, iki kisakubonekaga.” Une ngukusuma ugwe, komma ukusema lilino, itolo ku kayabo kanini. Yaga naloliloli...

Muketile, ugwe gwe mbepo. Kangi une ngwēga u mbepo aligwēsa nkati muno pāsi pa bulagili bwāngu, mu Ngamu ya Yeso Kristi, ukuti i Lisyu Lyāke lyābagile ukusisimikisigwa.

Lilino yaga itolo balugīndiko. Iputa. Keta ku Mwene, yoba, “Ntwa, une ngwitika ikyene. Ndula Ugwe ukusitakwitika kwangu.”

Unko uswe twānde. Une ngufimbilisigwa uku lūlalila pa luko lumo lwa kayabo ka kiyūmba apa, panongwa yakuti, muketile, bingi fīyo ba umwe, kangi aligwesa gwa umwe yo mbepo.

¹⁸² Une ngabagila. Ugwe kuyoba, “Une bule?” Une ngābagile ukukubūla ugwe. Ikyēne kyo kyāpakyēne. Syōsa i mbombo sya Kyala syo syāpakyēne. Bisakuyapo abāndu bingi babumbulusigwe ukukilania ikigēmo, ikilo iki, lumo patisakuyapo bingi mma. Ifyene fyō fyosa bwāpamwēne bwa Kyala. Ywani abagile ukumbula Umwene ikyakubomba?

Nayumo. Umwene ikubomba ukufwana nu bwigane Bwake Mwene, ulubátiko Bwake Mwene.

¹⁸³ Loli ugwe itolo itika. Yaga gwakwiyĩsya. Komma ukuya gwalutende. Itolo fikila kwa Kyala, nukuti, “Ntwa Kyala, une ngwitika ikyene.” Muketile? “Unko une ngupalamasye umwenda Gwako. Une ndinakyo ikyakulondigwa kya *kyakuti-na-kyakuti*. Une mmenye u nkũndwe akamanya une pamo amēnye ikyākufũmbwa kyāngu, loli umwene átubulile uswe ukufwana ni findu ifi fifyo Ugwe gwábombile, nukuyoba ukuti Ugwe uli apa yulayula umwisyugu.”

¹⁸⁴ Uko kutikupāgulàko umwe bakundwe apa pa kigemo, aligwesa gwa umwe. Une itolo ngubalālúsya umwe, bakundwe bāngu, ukuya babombi bīnítu ba—ba Nongwainunu ya Kristi. Une nguyoba kwa umwe itolo nubwanaloli-ndumbula mũmo une mmanyile, ukuya u—u mundu uyu ikufwa na umwe, muketile, ukukileka ikisu iki. Uswe tukufĩmbilisígwa ukusòkápo. Kangi une ngufĩmbilisígwa ukupa inongwa pa Lisiku Iya Bulōngi, panongwa ya iki une nguyoba. Une ngusyagania isya ikyo, ukuyapo fiyo. Kangi une ngupalisya ugwe nnyāmbàla, iki ugwe uli, gwīmīle apa na une, uku ndula une. Une ngugela ukubatūla umwe, ukubomba kilikyosa une mbagīle, panongwa ya Kitangalala-kya-Kyala.

Une ngwiputa kangi ngusuma.

Apa, balinga baketile u Lumuli lula mu picha? Umwe mukibwēne ikipicha kya Ikyēne? Pala Ikyēne kitulikigwe palapala *pala*. Ngimba umwe mukabagīla ukukibona Ikyēne?

¹⁸⁵ Ikyēne kili pamwanya pa nkikūlu yula itūgēsye ni kifūnga kyāke. Umwēne ikwīputila unganigwa yumo. Uko ko kutalusya, nkikulu. Yula ālinganígwa yumo... Ngimba ugwe kwitika une ukuya nsololi Gwāke, pamo nhobokela une, gwambombo Gwāke? [Kalumbu ikuyoba, “Une naloliloli ngwitika.”—Nsimbi] Ugwe kwitika ikyo? Umma ndaga. Lilino, linga Kyala abagile ukusetula ku myangu iki kitamisye, fiki, ugwe kwisakwitikisya ikyene ukuya ukufuma kwa Kyala, itolo ukuya nkikulu uyu āpalamasisyē umwenda Gwake? Lilino, ugwe umenye ugwe uli—ugwe uli malongo mabili pamo mafiti malongo matatu ukufuma kwa une, pamo ukongelelāpo, ugwe ukambalamāsīsyemo siku. Loli ugwe upalamasisyē Ikindukimo, iki ugwe umenye ugwe uli mbukolelane ni Kindukimo, Umunduyumo. Iki ikyene kili, ikyene kyo kya nkikulu, uyu yo mwanako undindwana. Uko ko kutalusya. Ngimba ugwe kwitika ukuti umwene ikuyaga kanunu? Umwēne yo nkwēsa makambo. Uko ko katikati kutalusya. Une ngumbona umwēne ikōgēla, agālile. Muketile? Lilino, ikitambala iki ugwe uli nakyo nkiboko kyako, ugwe bīka pa mwene, kangi komma ukwilamwa. Une ngwitika ukuti Kyala isakumpokaga umwene. Ngimba umwe mukwitikaga ikyene na une? Ameni.

Lilino, une ngamanya unkikulu yula, loli Kyala ammenye umwene. Ngimba ugwe kwitika lilino ni ndumbula yako yosa?

¹⁸⁶ U nyāmbāla itūgēsye pamwanya pala ni shāti indabendabe afwēle, ali nu lukole, ugwe kwitika ukuti Kyala ikubumbulusyaga ugwe nukukupela ugwe uyege kanunu? Ngimba ugwe kwitika ukuti Umwene ikubombaga ikyene? Une ngambonamo siku u nnyambala mbumi bwangu. Ugwe uli ni kadi ya lwiputo, nkulumba? [Unkundwe ikuyoba, “Umma, une ndikubomba.”—Nsimbi] Ugwe ukaya nalyo? Ugwe utikulondigwa na limo.

“Linga ugwe ubagile ukwitika!”

¹⁸⁷ Apa itugesye unkikulu ikugela ukuketa pamwanya pa nkikulu uyu itugesye papapa apa. Umwene nhesya kwa une. Loli umwene ali nu lutende naloli. Une ngammanya umwene. Une ngambonamo siku umwene, mbumi bwangu. Lōli Kyāla āmēnye umwēne, kangī umwēne ikusyāga papapa lilino umwēne ali mbukolelāne ni Kindukimo. Ugwe gwīputāga kula panongwa ya nongwa yimo. Inongwa iyi ugwe uli, ugwe ukabagila ukwitūgasya kangī ukukīnda ikilo iki. Ugwe kufimbilisigwa ukusōkāpo pa lukomano. Ugwe kubātika pa kubūka ku kāya kāko, kilabo. Ugwe ukaya gwa kuno mma, pamo kangī mma ugwe ufumile ku California. Ugwe kubūka kubusōkel’isuba ukufuma kuno. Ugwe kubūkāga pa ndēge. Ugwe kutendekesya, ukubuka pa ndēge. Ugwe kufuma ku Oklahoma. Ena. Uko ko kutalusya.

¹⁸⁸ Ugwe kāngi guli mu kayīlo kākufwa. Ugwe kwīsa kuno ukwīputilīgwa. Ugwe ukaya ni kādi ya lwīpūto. Loli ugwe kwitika ukuti ugwe kuyaga pakubumbulusigwa, linga ugwe ubagile itolo ukufika kuno. Uko ko kutalusya. Kangi, akayilo kako yo kansa. U kansa ali mu lifupa. Ngimba ugwe kwitika ugwe kubumbulusigwaga lilino? Ugwe kwitika ugwe uli mu kukolelana nu Mwene, kalumbu gwangu? Lumo Kyala isakumbulaga une ukuti ugwe gwe ywani, polelo ngimba ikyo kibagiile ukukutula ugwe? Linga ikyene kili, fyusya ikiboko kyako linga ugwe kwitika ikyo, ukuti (Kyala) ikyene kikuyaga pakukutula ugwe. Umma ndaga, Nka. Steel, ugwe ubagile ukugomokela ku Oklahoma.

Une ngamanya unkikulu yula. Une ngambonamo siku umwene.

¹⁸⁹ Apa alipo unkikulu itugesye palapala kunyuma apa ku myake. Umwene ikukubilwa ni ndepa sya mmalundi. Kangi umwene yope ali nu mwanundumiana uyu yo kinwelwa, kangi umwene ikummwiputila umwene. Linga umwene ikwitikaga, umwene abagile ukubumbulusigwa. Nka. Mason, ngimba ugwe kwitika ni ndumbula yako yosa, kangi kwitika ukuti Yeso Kristi isakupaga ulubumbulusyo kwa ugwe? Ugwe kwitika?

Umma ndaga, polelo bika ikiboko kyako pa nkikulu yula itugesye kifuki na ugwe apo, umwene ikwiputula undume gwake uyu akaya gwakupokigwa mma. Kyala isakupaga ububumbulusyo.

Unko uswe twipute.

¹⁹⁰ Gwempala Kyala, une ngusuma ukuti Ugwe kupaga ulusayo lula ku mwene. Mpapo unkikulu yula ikinyonywo kya ndumbula yake, Ntwa. Ulwitiko lwake luli kifuki fiyo kwa Ugwe, ulwene lukupalamsisye Ugwe. Kangi une ngusuma, Tata, ukuti Ugwe kwisa kutula, mu Ngamu ya Yeso. Ameni.

Lilino itika ni ndumbula yako yosa, ukuti ugwe gwambilile ikyene. Ngimba ugwe kubombaga ikyo? Umma ndaga. Kyala akusaye ugwe.

Ngimba ugwe kwitika undumego isakupokigwaga, nkikulu? Ngimba ugwe kwitika ni ndumbula yako yosa? Fyusya ikiboko kyako, ugwe kwitika.

¹⁹¹ Kikufwana ukuyapo, pankyēni pa une, u nkīkūlu uyu yo nsito fiyo. Pala umwēne ikwītugāsya. Ugwe kwitika une ukuya gwambombo gwa Kyala? Ugwe kunyitika une ukuya mbombi gwa Kyala? Ugwe kwitika. Umma ndaga. Une ngakumanya ugwe. Iki u lutamio lwāko luli, to tuyōngo. Ugwe uli utupile ukukīndāpo. Ugwe uyīle ku ngānga yumo, umwēne ātile umwēne akābagile ukubōmba nakimo isya ikyēne, lōli yula āli ngānga gwa pakīsu. Muketile? Ugwe. . . Ugwe itolo gwaalinalo ulusulumanio lwingi fiyo. Ugwe gutagile undumego. Ugwe ukaya gwa kuno'mma. Ugwe naloliloli kufumila ku Arkansas. Ugwe kulondesya imbombo, yope, kangi ugwe ukabagila ukuyaga imbombo. Ugwe uli nu lutende ukuti, ikindikimo, ugwe ukaabagile ukukoleligwa. Loli ulwitiko lwako lilino lupalamsisye Kyala. Kalumbu gwangu, ugwe bukaga, itika. Kyala akupele ugwe imbōmbo, ikukupa ugwe ikinyonywo kya ndumbula yako.

Kyala ikusisimikisya i Lisyu Lyake ukuya lyabwanaloli. Ngimba ugwe kwitika ikyo ukuya bo ulo? Lilino une ngulonda itolo ugwe ukwīpūta na une kangi.

¹⁹² Tāta Kyala, Ugwe gwe Kyala yulayula uyu āsisimikīsye. Akabalilo kako Ugwe uyobile, “Undindwana akaya mfwe mma, umwene agonile,” polelo Ugwe gwafimbilisigwaga ukusisimikisya ikyene. Lilino, Ugwe ufingile, ukuti itolo bo kukāli ku kwisa kwa kabalilo ka bumalikusyo, ukuti u Mwanundumiana gwa mundu isakwisetulaga Mwene mu njila yilayila Umwene aabombile ku Sodomu. Ugwe ufingile ikyene, Ntwa. Lilino Ugwe gwīsile ku kisu, nduko lwa Mbepo Mwikemo, kangi ufikile pakati pa uswe, ikilo iki, uswe abandu bakwītika, kangi tusingimikisye ikyene. Ugwe usisimikisye i Lisyu Lyako bo mumo Ugwe gwābombile ilisiku lila. Ntwa, uswe tutikulondigwa kangi nukusisimikisya. Ugwe uli pakati

pa uswe. Uswe tukuganile Ugwe. Kangi uswe tukusyāgānia ukuti iki kyo kimanyilo icyābumalikisyo itolo pankyēni pa Kwīsa Kwāko, ukufwāna na Masimbo. Kangi imisyūngūlu gyōsa ni fyakwimilila fitikutoligwamo siku. Ifyēne fikufimbilisigwa ukuya fisisimikisye.

¹⁹³ Polelo uswe tukusuma, Tāta, ukuya bana Bāko bikwīsa lilino ukwīputiligwa, ukuti aligwesa isakubumbulusigwāga. Palingayaga u mundu umbine ukusyala pakati pa uswe, kubumalikisyo bwa bubombelo ubu. O gwempala Kyala, ngimba Ugwe kutwitikisyaga ukupaka Kyako kiyeye kyaipyana pa bandu Bako itolo lilino, ukuti aligwesa gwa bēne abagile ukubumbulusigwa?

¹⁹⁴ Kangi linga balipo bamo apa, aba bakaya bāna Bako tāsi, kangi pa lwālo lwa findu ifi, ukuti . . . Abene bapilike i Lisyu nu kukibona ikindu iki kibombigwe, itolo katikati kisisimikisye ku lisimbo lilalila, kangi Uyu Ugwe uli na iki Ugwe uli, ukuti Ugwe uli apa.

¹⁹⁵ Kangi, Ntwa, ngimba Ugwe—ngimba Ugwe kusayaga ubutungulu? Fiki, naloliloli umma, Ntwa. Loli Ugwe ubombile ulufingo ukusaya i Lisyu Lyako, kangi Ilyene lilinkusita kugomokela paitolo mma. Ikyēne āngāli kikufwānikisya kila kīkyo Ikyēne kyālondeiligwāga. Kangi lilino Ugwe ubombile ikyo pabutasi bwa uswe, ikilo iki, ukukinda unsyungulu guligosa ugwa kwilamwa.

¹⁹⁶ Kangi ni mitu gyitu ginamisigwe, ngimba balipo abandu apa aba bakiitikemo siku pabutasi, aba bikulonda itolo ukufyusya ikiboko kyako? Nu ntu gwako gwinamisigwe, fyusya ikiboko kyako itolo. Kangi ima pa malundi gako, nukuti, “Une lilino ngwitika, ni ndumbula yangu yosa. Kangi une ngulonda ukummwitika Yeso Kristi, lululu lilino.” Ngimba umwe mubagile ukubomba ikyo, abandu balibosa, aba bali apa, aba bakālitikisye Kristi, kangi mukulonda ukubomba ikylene pa kabalilo aka? Une ndisakukubula ugwe . . . Ugwe buka ku kipanga kya lusalo lwāko. Loli une ngukusuma ugwe ukwambilila Yeso Kristi akabalilo kako ugwe . . . Ugwe pamo utisakuyamo siku kifuki nu Mwene mpaka ugwe kumbona Umwēne mu mūndu akabalilo kāko Umwēne ikwīsa mu mbili Gwāke ugu guboneke ukufuma ku Myānya. Ngimba ugwe lilino kumwitikaga Umwene linga ugwe ukabomba ikylene?

¹⁹⁷ Pa lwalo lwa ukuketa nayumo apa imile, une ngwītika polelo mwēsa ba umwe ukuya bamahala, bāndu bānyīnogōno, kangi mukusyāgānia iki umwe mukubōmba. Linga ugwe gwitūgēsye pala pāsi pa iki, ugwe kumbukila, “Linga ugwe uli ni soni na Une pankyeni pa mundu, Une ngwisakuyaga ni soni na ugwe pankyeni pa Tāta Gwangu.” Aalipo umunduyumo imile pamwanya, lumo, ena, nkilundilo, ku nyuma.

198 Gwempala Kyala, bala mbagile, une ukusita kukêta, aba bîmile, abêne bikulônda ukwítikisya Ugwe. Abêne bikusyâgânia, Ntwa, ukuti iki kikâbombígwemo mpaka akabalilo aka, kangi lilino Ugwe kususimikisya ikyêne nukusisimikisya ukuti ikyêne kyo lûlo. Une ngusuma, Tâta, ukuti mu ndumbula syâbo, isi syo mbuhesya syâlyêndile pa kabalilo aka...Ngimba uswe tukumanyaga bulebule loli iki kyo mundu gwabumalikisyo ukwisamo? Iki kibagile ukuya bumalikisyo bwa Los Angeles. Ugu gubâgile ukuya môyo ugwabumalikisyo ugu gwîsa kupâpigwa nkati mu Kitângalâla. Uswe tukamanya akabalilo kâko akabalilo kala kakwîsa. Kangi akabalilo kâko akêne kakubômbéla, ikifigo kisakwîgalika, u Mbili gwisakuya lôsa. Ikyêne kitisa kuya u Mbili gwâkasòlo pamo u Nsîngiligwa gwâkasòlo. Ikyêne kisa itolo ukuya ni mbakasya nyingi isi ingamu syabo syâbikígwe mwa Buku gwa Búmi gwa Kang'osi bo ulwalo lwa kisu lukâligwa, ku iki Yeso âlisile ukwêga, ngati Adamu, ukwênda palapala pânja ukupoka u nkasi gwâke. Une ngusuma, Kyala, ukuti Ugwe kwisakwambibililâga abêne lilino mu Kitangalala Kyako. Abêne bali mmaboko Gâko. Bômbélaga na bêne, Ntwa, une ngusuma mu Ngamu ya Yeso. Ameni.

199 Kyala akusaye aligwesa gwa umwe uyu âlîmîle. Une ngâmenye mwe bamo ba umwe mwâlimile. Bamo bâlîmîle kunyuma, bamo mmwanya umo. Lilino une ngulonda umwe ukubômba ikindu kimokyêne kwa une. Ngulâmba mbilikisya une. Mwangane nu undumbilili yumo apa nukuyoba ikyene na bene, ukufuma pâpo i kipanga kimalike. Ngimba ugwe kubombaga ikyo? Komma ukukyitikisya ikyene ukutoligwa. Linga ugwe ukosigwamo siku mu losyo lwa Kikristi, bomba kila ikikônge, kangi polelo syala na maboko ginu mmwanya mpaka umwe mwâmbilîle u Mbepo Mwikemo.

200 Lilino, kangi abându bîngi bali na makadi ga lwîpúto apa. Uswe tukusuma abene ukwima, nukwisa pamwanya apa, kangi une ngusakikisya endaga ukukilania. Pamo ngimba une nguyaga pakwisa...[Unkundwe ikuyoba, "Umma."—Nsimbi] Une ndisakubagila. ["Isaga ukufuma ku lubafu ulu kubwa kuno."] Ukufuma ku lubafu ulu kubwa kuno, abagîle ukusôka panja injila iyi, ukukilania pa lubafu ulu, abându aba bali na makadi ga lwîpúto.

201 Kangi lilino linga alipo aligwesa gwa umwe uyu ikufimbilisigwa ukubuka, ukwene ko...Une ngâbile. Une nsobile. Une ngugelaga ukubomba kanunupo panandi kilabo nkilo. Ku...akene ko maminiti kalongo ukufuma pa sala ya kalongo, pa koloko pa kibumba. Ndaga ugwe fiyo panongwa ya kwisa kwako ikilo iki, kangi Kyala gwa ku Mwanja alibasaya umwe. Linga ugwe kulonda ukusyala nukuketesya ulukindi lwa lwiputo, ugwe bwila kwambibiligwa. Loli uswe tukwandaga ukwîputila ababine lilino, kangi une ndikulonda

ukubakolelela umwe pene papo umwe mukulonda ukusyala. Umwe musatisigwe mu Ngamu ya Ntwa Yeso. Kyala gwa lutêngàno ali bũkàga na umwe nu kudasaya umwe, nu kubapa umwe ubutũsyo mu mibili gyĩnu, ukukĩndàmo nkilo, nu kubapa umwe ubukafu ubununu ukuti umwe mubagile ukugomokela kangi kilabo nkilo. Kyala ayege na umwe lilino.

²⁰² Kangi uno abène bābo bali na makādi ga lwĩpũto bĩme panongwa ya lwĩputo lilino, bo mwākisũ-kyōsa uswe tukwĩpũtila a bāndu. Lilino uswe tukulonda umwe ukumanya, lilino, umwe mwe mwimile ni kadi ya lwĩputo, ngimba kulipo ukwilamwa mbumi bwĩnu? Ngimba bulipo bulibōsa, nswaga une, ubutulanōngwa bulibōsa mu bũmi bwĩnu ubu umwe mukalāta? Linga bulipo, unko une mbalālusye umwe iki. Komma ukwĩsa mu lukĩndi lwa lwĩpũto nu butulwanōngwa ubusitakulātigwa mu ndũmbũla yĩnu. Panongwa yakuti, ugwe kufimbilisigwa. . . Ugu go nkati gwa bana, muketile. Kangi linga ugwe ukaya Nkristi, iyipa ubumi bwako kwa Kristi, mu lukĩndi lwa lwĩputo, polelo isaga. Ikyene kyo kya mwitiki. Ngimba ugwe kubombaga ikyene? Itikisiya Umwene tasi ukuya Mpoki gwako, kangi polelo isaga ukukilania pa kigemo, ukuti iputiligwe.

²⁰³ Lilino une nguyaga pakwĩputila aligwēsa pamwene; komma itolo ukubakĩndisiya abène, ngati u luko lumo lwa lwĩho. Uswe tuli nkipanga lilino. Une ngwinogona Kalumbu Wyatt atupaga uswe inongwa iyi uswe tubagĩle ukusyāla nu kwĩpũta. [Unkundwe ikuyoba, “Ena, ikilo kyosa, akabalilo kosa ugwe kulonda.”—Nsimbi] Uswe tubagĩle ukusyala akabalilo kosa aka uswe tukulonda. Kangi une ngupalisya Kalumbu Wyatt na babōmbi apa, panongwa yakutwĩtikisiya uswe tubombege ikyo. Kyala asayege umwene. Undume gwake unkifu ālimile pa kigemo iki, alinkwĩputila ababine, mpaka umwene afwile, mumo une mmanyile, unsikali gwanaloliloli gwa kipingika. Kangi lilino une ngugela ukukyunga i kindu kilakila, basayaga abandu aba.

²⁰⁴ Kangi lilino une ngusuma ukuti aligwesa gwa umwe mukwisa ukukĩsania kuno. . . Ugwe utikufimbilisigwa ukufumusiya kalikosa aka ugwe kulonda. Ugwe utikufimbilisigwa ukuyoba kalikosa akasobi na ugwe. Isaga itolo kangi unko une niputile ugwe, kangi itika.

²⁰⁵ Ngimba umwe mukwitika ukuti Kyala andumile une ukubomba iki? Fyusiya ikiboko kyako. Kumbukilaga iki u Gwandumi gwa Ntwa aayobile? “Linga ugwe kwēga a bāndu ukukwĩtika ugwe, yaga gwābwānalōli-ndumbula akabalilo kāko ugwe kwĩpũta, nakimo kisa kwĩma pankyēni pa lwĩpũto.” Kangi umwe mumenye ikyo kyo kyabwanaloli. Ikyene kisisimikigwe, ukukilania kangi ukukilania.

Lilino une nguyaga pakunsuma ukuti Kalumbu gwĩtu Rose,

linga umwene ikubombaga, ukukina lula, *Itika Itolo*, pamo, *U Nganga Unkulumba Lilino Ali Kifuki*, pamo ikindukimo.

²⁰⁶ Une ngulonda aligwesa gwa umwe lilino mu—mu bulilanisi na une. Ngimba umwe mubagile, numwe, umwe mwe bandu aba bakaya mu lukindi lwa lwiputo, ngimba umwe mukwiputilaga abandu aba? Ena, fínga abēne ukuti, ukwisila mukufyūsyā ikiboko kyāko, “Une nisakwīputāga, muketile. Uswe twēsa twisakukwīputāga.” Umma ndaga. Ena.

Une mbagile ukuti umwe mubagile, linga umwe mukufimbilisigwa ukusōkāpo, ukubūka naloliloli mwākimyemye lilino, ukuti abēne batisakutamia akabalilo kāko uswe tukwīputa.

Ngimba ugwe kwitika ikyene kikuyaga kimalike lilino, kalumbu? [Unkikulu ikuyoba, “Ni ndumbula yangu yosa.”—Nsimbi]

Gwempala Kyala, une ngwala amaboko gangu pa kalumbu, ukutatikana ingubilwe ya mbili gwake. Mu Ngamu ya Yeso Kristi, ikyene kili ndekaga umwene. Ameni.

Akusaye ugwe, kalumbu.

Ugwe kwitika ni ndumbula yako yosa? Imbibi syako syosa silaatile? Ugwe uli, nu butali ubu ugwe umenye, ugwe gwītendekisye ukwambilila ulubumbulusyo lwāko?

²⁰⁷ Gwempala Kyala, une ngwala amaboko gangu pa kalumbu gwangu, mu Ngamu ya Mwanundumiana Gwako, Yeso Kristi, kangī tukusuma ukuti ingubilwo sya mbili gwāke sisakubūkāga, mu Ngamu ya Yeso. Ameni.

Imbibi syosa silaatile, kangī ugwe gwītendekisye ku bubumbulusyo bwako? Ugwe kwitika, nkundwe? [Unkundwe ikuyoba, “Une ngwitika ni ndumbula yangu yosa.”—Nsimbi]

²⁰⁸ Gwempala Kyala, une ngwala amaboko gangu pa nkundwe gwangu, mumo uswe tukumanyila ukuti Ugwe ulipo apa, Ntwa. Une ngusuma ukuti Ugwe kubumbulusya umwene, mu Ngamu ya Yeso Kristi. Ameni.

Imbibi syōsa silātigwe? Umma, ugwe utikupilika. Ugwe kwitika ukuti ugwe kupilikaga? [Kalumbu ikuyoba, “Une ngwitika. Loli une nāli gwamapuli.”—Nsimbi] Ugwe kwitika.

Unkikulu yo gwamapuli lilino. Uswe tukubūka ukwiputa apa.

²⁰⁹ Gwempala Kyala, une ngusuma ukuti Ugwe kubumbulusyaga u kalumbu gwītu, kangī ukwega amapuli ukufuma ku mwene. Umwene itugesye nkisu ikigaligwa-pasi, kuko umwene akabagila ukupilika. Une ngusuma ukuti Ugwe kupaga ububumbulusyo bwake, ukwisila mu Ngamu ya Yeso.

²¹⁰ Une nguyaga pakusuma abāndu ukukyūnga untu gwāko gwīnamisigwe, i miniti. Une ngulōnda ukukēta iki kibonike

ku mwēne. Lilino, nalāmba, mu Ngamu ya Yeso Kristi, unko nayumo uyu afyusye untu gwabo pamo amaso. Lilino, ugwe ulingabombaga ikyo mpaka une ngukubula ugwe.

²¹¹ Ubagile ugwe ukupilika lilino? [U kalumbu ikuyoba, “Tumo utuniōngāfu.” Nkundwe Branham ikukuba ifiboko fyake kamokene. “Une mbagile ukupilika ugwe.”—Nsimbi] Mbilika une? [“Tumo.”] Ubagile ukupilika? Umwene abagile ukupilika lilino. [Nkundwe Branham ikukuba kamokene ulu.] Muketile? Pilika akōgo kala?

²¹² Lilino ugwe itika ni ndumbula yako yosa. Ugwe kuyaga? Kangi ugwe itika, kangi Kyala isakukupelaga ugwe uyege kanunu lōsa. Umwene alinkuti. . . Une nīputile itolo nu kubika amaboko gangu pa mbulukutu yake, kangi umwene alinkuyoba umwene abagile ukupilika ikindukimo. Umma ndaga, itolo bukaga lilino, itikaga ukuti ugwe kupilikaga nubupelelesye, kangi ugwe kwisakupilikaga.

Ngimba ubutulwanongwa bōsa bulatiligwe, kalumbu? [Ukalumbu ikuyoba, “Ena.”—Nsimbi] Ugwe gwītendekisye ku bubumbulusyo lwāko? [“Ena.”]

²¹³ Gwempala Kyala, une ngwala amaboko gangu pa kalumbu gwangu, mmenye ukuti mwa uswe tukaya kindu nakimo ikinunu, mwa twībēne. Lōli uswe tumenye ukuti uswe tuli baKristi, bapāpīgwe ukufuma mwa Mbepo gwa Kyala. Kangi uswe tukubika amaboko pa kalumbu gwitu nukusumila ku bubumbulusyo bwāke, mu Ngamu ya Yeso Kristi. Amen.

²¹⁴ Lilino ugwe itika ugwe kuyaga pakubumbulusigwa? [U kalumbu ikuyoba, “Kinunu.”—Nsimbi] Umma ndaga, lilino ugwe—ugwe ubumbulusigwe. Iyo yo njila iya kubombela ikylene. Uko ko kutalusya. Kutalusya.

²¹⁵ Imbibi syōsa silātile? [Ukalumbu ikuyoba, “Ena, nkulumba.”—Nsimbi] Kangi ugwe gwītendekisye ku bubumbulusyo lwāko? [“Ena.”] Ugwe kwitika, ukwisila mulāmbalēle pa maboko, ukuti u Kyala Uyu amenye indumbula sya bāndu, isakukutēndēka ugwe ukuya kanunu? [“Une ngwitika.”]

²¹⁶ Tata gwitu Gwakumwanya, une ngusuma ukuti Ugwe kubumbulusyaga ukalumbu gwitu, bo uswe tukubika amaboko gitu pa mwēne nu kusūma mu Ngamu ya Yeso Kristi ukuti Ugwe kwisakuntēndekāga umwēne ukuya kanunu. Amen.

²¹⁷ Mubombile ndaga? Ena, ugwe umenye une mmenye iki kitamisye na ugwe. Lōli une itolo ndikuyoba ikyēne; panongwa yakuti, ugwe kubōmba, ikyēne kisa—ikyēne kisa itolo nkyēne ukubūka nkyēni na nkyēni. Loli linga ugwe kulonda. . . Ngimba imbibi syako syosa silaatile? [Unkikulu ikuyoba, “Ena, nkulumba.”—Nsimbi] Kangi ugwe kwitika ukuti Kyala ikukupelaga ugwe uyege kanunu? [“Ena, nkulumba.”] Ngimba

ugwe kwitika imbungo ya fifupa... Une mbombile njobile ikyene.

Gwempala Kyala, une ngusuma ukuti Ugwe kuntula umwene nukuntédeka umwene ayege kanunu. Tupaga ikyene, mu Ngamu ya Yeso.

Ugwe utisakulemala mma. Bukaga, itikaga ni ndumbula yako yosa.

²¹⁸ Ngimba ugwe kwitika ukuti Kyala ikukupelaga ugwe uyege kanunu? [Unkikulu ikuyoba, “Ameni.”—Nsimbi] Imbibi syosa silaatile kangi ugwe gwitendekisye ku bubumbulusyo bwako? Ugwe kwitika inyuma yako yikuyaga kanunu mosa?

Gwempala Tāta Gwakumwanya, une ngusuma ukuti Ugwe kumbumbulusyaga umwene nukumpela umwene ayege kanunu. Mu Ngamu ya Yeso Kristi, ikyene kiliyaga lulo. Ameni.

Kyala akusaye ugwe, kalumbu. Bukaga, itikaga lilino.

Ngimba imbibi syako syosa silaatile, kalumbu, ugwe gwitendekisye ku bubumbulusyo bwako?

Gwempala Kyala, imbibi syake, umwene ikuyoba, silātigwe. Une ngubika amaboko gangu pa nkikulu uyu, mu Ngamu ya Yeso Kristi, ngusuma ku bubumbulusyo bwake. Ameni.

²¹⁹ Ngimba imbibi syōsa silātigwe? Ugwe kufimbilisigwa ukuya kanunu, ugwe uli mbine fiyo, ugwe umēnye ikyo. Ugwe umenye ukuti une mmenye iki kitamisye na ugwe. Kangi ngimba ugwe kwitika ukuti Kyala ikukupelaga ugwe uyege kanunu, ukubumbulusya indumbula yako nukukupela ugwe uyege kanunu?

Gwempala Kyala, une ngusuma ukuti mu Ngamu ya Yeso Kristi, ukuti Ugwe kubumbulusya umwene nukuntédeka umwene ayege kanunu. Ngusuma iki kindekege umwene, Tata, mu Ngamu ya Yeso. Ameni.

Kyala akusaye ugwe lilino. Komma ukwilamwa. Bukaga, itika.

Imbibi syōsa silātigwe? Ugwe gwītēdekisye ku lubūmbulusyo?

Gwempala Tāta Gwakumwanya, une ngwāla amaboko gāngu pa kalumbu gwītu. Mu Ngamu ya Yeso Kristi, umwene ali bumbulusigwaga. Ameni.

Komma ukwilamwa. Bukaga, kwītika.

Imbibi syōsa silātigwe, ugwe gwītēdekisye kuli lubūmbulusyo?

²²⁰ Gwempala Tāta Gwakumwanya, une ngusuma ukuti Ugwe kubumbulusyaga unkundwe gwītu, kwīsa kuntēdekāga umwēne ukuya kanunu. Tupaga ikyēne, Tāta. Une ngubika amaboko gangu pa mwene, pa nongwa iyi, mu Ngamu ya Yeso Kristi. Ameni.

Kyala akusaye ugwe. Une ngwitika icyene ni ndumbula yangu yosa.

Ngimba ugwe kwitika lilino, kalumbu? Imbibi syosa silaatile kangu ugwe gwitendekisye ku bubumbulusyo?

Gwempala Kyala, une ngwala amaboko gangu pa kalumbu, mu Ngamu ya Yeso Kristi, umwene ali bumbulusigwaga ku lwimiko Lwako. Amen.

²²¹ Lilino itolo utubalilo twingi bo lula, itolo ukupalamasya, bo Yeso ayobile, “Ifika ifi fisakukongaga abene aba bikwitika. Linga abene bikubika amaboko gabo pa babine.” Une nandileko uku ketesya, mu ngomano, ukuti icyene kikubomba imbombo malongo mahano mwa mia kanunupo ukukinda iki icyene kikubomba akabalilo kako ugwe kubakolela abandu mu lukindi, ukuya nu kumanyila-ngani, panongwa yakuti ugwe itolo kwisa ku banandi itolo. Kangi, injila iyi, balipo bingi abakongelelapo bikubumbulusigwa.

²²² Ngimba ugwe ulatile imbibi syako syosa isya kusitakwitika kangu kilikyosa? Ugwe kwitika lilino ukuti ugwe kuyaga pakubumbulusigwa? [U kalumbu ikuyoba, “Ena, kangu mbonisigwe.”—Nsimbi]

Gwempala Kyala, une ngusuma ukuti Ugwe kubumbulusyaga kalumbu gwitu bo une ngwega amaboko gake kangu tukusuma mu Ngamu ya Yeso Kristi ku bubumbulusyo bwake. Amen.

Kyala akusaye ugwe, kalumbu.

Ngimba ugwe kwitika lilino? [U kalumbu ikuyoba, “Ena.”—Nsimbi] Imbibi syosa silaatile? [“Ena.”]

Gwempala Kyala, une ngwala amaboko gangu pa kalumbu gwitu, mu Ngamu ya Yeso Kristi, ku bubumbulusyo bwake. Amen.

Kyala akusaye ugwe, kalumbu.

Kikufwana ngati kinini fiyo, loli icyene yo Kyala Uyu afingile icyene.

Imbibi silatigwe?

Gwempala Kyala, une ngusuma ukuti Ugwe kubumbulusyaga uyu kalumbu gwitu. Bo une ngubika amaboko pa mwene mu Ngamu ya Yeso Kristi, umwene alibukaga nukuya kanunu. Amen.

Imbibi silatigwe?

Gwempala Kyala, une ngusuma ukuti Ugwe kubumbulusyaga kalumbu gwitu, bo une ngubiika amaboko pa mweene, mu Ngamu ya Yeso Kristi. Amen.

Lilino bo umwe mukwisa nu bumang’anyi, icyene kili tikaga u lukino, icyene kisa kubukaga kukubomba.

Imbíbi silátìgwe? [U kalumbu ikwāmùla—Nsimbi] Ugwe gwitèndekisye.

Gwempala Kyala, une ngusuma ukuti Ugwe kubumbulusya umwene nukuntèdeka umwene ayège kanunu, mu Ngamu ya Yeso Kristi. Ameni.

Kyala akusaye ugwe, kalumbu.

Imbíbi syòsa silátìgwe? [U kalumbu ikuyoba, “Kilikyòsa.”—Nsimbi]

Gwempala Kyala, bo unkikulu uyu ikungeta une nkisige, une ngwitika ikyo. Une ngusuma ukuti Ugwe kumbumbulusya umwene, mu Ngamu ya Yeso.

²²³ Ugwe itolo kuntwala umwene, ugwe, kalumbu? Ugwe kuntwalaga itolo umwene? Umma ndaga. Ugwe kwitika, kalumbu, ukuti Kyala isakukupelaga ugwe uyege kanunu? [U kalumbu ikuyoba, “Une ngwitika Kyala abagiile ukumba une ukuketa kwa fisige kangi.”—Nsimbi] Kyala akusaye ugwe.

²²⁴ Tāta Gwākumwānya, Ugwe akabalilo kōsa uli ni kisa ku bafwamaso, kangi ku bafūmbwe. Lilino abene baketile ifi Ugwe ubombile ikilo iki. Polelo uswe tukwitika, Ntwa, ikimanyilo ikikulumba iki kikwenda pakati pitu lilino. Une ngusumila ku kukēta kwa mfwamaso u nkikulu uyu ukwisa ku mwene, mu Ngamu ya Yeso Kristi. Ameni.

Lilino, panga-kapango kwa uswe lilino. Panga-kapango ikyēne.

[Kalumbu ikuyoba kwa Nkundwe Branham—Nsimbi.] O, ena, ugwe kwitika ukuti Kyala isakukubumbulusyaga ugwe? [“Aleluya!”]

Gwempala Tāta Gwakumwanya une ngwāla amaboko gāngu pa kalumbu gwītu nukusuma ukuti Ugwe kumbumbulusya umwene, mu Ngamu ya Yeso Kristi. Ameni.

Kyala akusaye ugwe, kalumbu. Unko uswe tupilike mūmo ugwe—mūmo ugwe kukīndilamo mula.

Ngimba ugwe kwitika, kalumbu? [U kalumbu ikuyoba, “Ena, une ngwitika.”—Nsimbi]

O Gwempala Tāta Gwakumwanya, une ngusumila kwa kalumbu gwītu, ngusubila ukuti Ugwe kwisakumbumbulusyaga umwene lilino. Une ngubika amaboko gangu pa mwene, mu Ngamu ya Yeso Kristi.

Lilino itika. Uko ko kotalusya. Bukaga itolo, itikaga.

Ngimba ugwe kwitika, nkundwe? [Unkundwe ikuyoba, “Ena.”—Nsimbi] Imbibisi syosa silaatile?

Gwempala Kyala, une ngusuma ukuti Ugwe kubumbulusya unkundwe gwītu nukuntèdeka umwene ayège kanunu, mu Ngamu ya Yeso Kristi. Ameni.

Ugwe kwitika, kalumbu?

²²⁵ O Kyala, une ngusuma ukuti, mu Ngamu ya Yeso Kristi, nukwilambika, mu bunyafu nu bololo bwa sala iyi, u Mbepo Mwikemo ali ntendekege unkikúlu uyu ukuya kanunu. [U kalumbu ikuyoba, “Kangi une ngwipta, ngwipta kuli u mwanundumiana gwangu. Une ngambonamo umwene ku fyinja malongo mabili.”—Nsimbi] Une ngusuma ukuti Kyala isakutumaga u mwanundumiana gwako kwa ugwe, kalumbu, gwempala. Kyala akusaye ugwe.

Gwempala Tāta, une ngusumila kwa kalumbu gwitu apa. Mbunyafu bwa Mbepo Mwikemo, Umwene ali isaga lilino nukubumbulusya kalumbu gwitu, mu Ngamu ya Yeso. Ameni.

Akusaye ugwe, kalumbu.

Gwempala Kyala, une ngusumila kwa nkundwe gwangu, bo umwene ikwima apa kangi une ngwāla amaboko pa mwene, nukusuma ububumbulusyo bwake, mu Ngamu ya Yeso.

Akusaye ugwe, nkundwe gwangu. Umma ndaga.

Ndumiana nnini?

Gwempala Kyala, ngubika amaboko pa nnini, une ngunsaya umwene mu Ngamu ya Yeso Kristi, ku bubumbulusyo bwake.

Ugwe kwitika lilino, kalumbu? [U kalumbu ikuyoba, “Ena.”—Nsimbi] Ugwe kulonda ukwipututiligwa nugwe?

²²⁶ Gwempala Kyala, une ngusumila umwene, bo une ngwala amaboko pa mwene. Lilino, ubu bo bulagili Bwako, ikyo kyo iki Ugwe uyobile, “Ifika ifi fisakukongaga abene aba bikwitika. Linga abene bikubika amaboko gabo pa babine, abene bisakubumbulukaga.” Ugwe uyobile ikylene, Ntwa. Ameni.

Lilino, Umwēne āyobīle ikyo, bule Umwēne? Kikufimbilisigwa ukuya injila yila, kalumbu.

Gwempala Kyala, une ngusuma ukuti Ugwe kubumbulusya kalumbu gwitu nukuntēdeka umwene ayēge kanunu, mu Ngamu ya Yeso Kristi. Ameni. Kyala akusaye ugwe, kalumbu.

Ugwe gwisile ukwitika, kalumbu?

²²⁷ Gwempala Tata Gwakumwanya, une ngusumaga ulusayo Lwako pa kalumbu gwitu, itolo pakupilikila iki Ugwe uyobile. Ugwe gwatile, “Ifika ifi fisakukongaga abene aba bikwitika. Linga abene bikubika amaboko gabo pa babine,” Ugwe gwatile, “abene bisakubumbulukaga.”

²²⁸ Ndi imaga apa itolo pa kabalilo, uku yoba mu iki, itolo ukwitikisya a bāndu ukutūsyā a kabalilo, itolo ku akabalilo. Yumo undondesya-busobi akabalilo kamo āyobīle, kwa une, ikyo kikaya lula mma. Lōli, umwe muketile, Umwēne alinkuti, “Ifimanyilo ifi fisakukōnga.”

229 Umwe mupilike Indumi yangu pa *U Bulongi*, ukumbika Yeso pa bulongi. Muketile, Umwene alinkumbula Noa, “Ukwene kukugwaga ifula.” Ukwēne kukātīmīlēmō siku ku fyinja mia yumo na malongo mabili, lōli ukwēne kulinkutima mulimosa. Umwene aalimbulile Abraham umwene angali aali nu mwanundumiana na Sarah. Ifyene fyali fyinja malongo mabili na fihano. Umwene akayobilemo siku akabalilo nki. Umwene alinkuti abene bikuyaga nu mwanundumiana. Ifyinja malongo mabili na fihano pankyeni, ikyene kyaabonike. Muketile, Umwene akāyobile ndili.

230 Umwene alinkuti, “U lwiputo lwa lwitiko lukupoka ababine. Kyala isakubasumusyaga abene. Linga abene bikubika amaboko pa babine, abene bisakubumbulukaga.” Ngimba ikyo kyo iki Umwene āyobīle? Umwene akāyobīle abēne angali bikunyēla mmwanya nukubōmba ikyēne palapala pala. Umwene alinkuti, “Abene bisakubumbulukaga.” Muketile, ulo lo lufingo Lwake. Ikyo kyo iki uswe tukwitika.

Isaga, kalumbu. Ugwe kwitika ikyo ukuya kyabwanaloli? [U kalumbu ikuyoba, “Ena, une ngwitika.”—Nsimbi] Yikayako i njila ukukupīnga ugwe ukufuma kukuya mbūmbulusigwe.

Une ngubika amaboko gangu pa kalumbu, mu Ngamu ya Yeso Kristi, kububumbulusyo bwake. Ameni.

Ngimba ugwe kwitika, kalumbu? [U kalumbu ikuyoba, “Ena.”—Nsimbi] Imbibi syosa silaatile, kangi gwitendekisye?

Gwempala Kyala, une ngwala amaboko gangu pa kalumbu, mu kupilikila Ululagilo Lwako, nukusumila ububumbulusyo bwake, mu Ngamu ya Yeso. Ameni.

231 Une ngulōnda umwe mwe mwīputilīgwe, une ngulōnda umwe mumbōmbēle une ubukūndwe bumo. Une ngulōnda umwe ukupānga-kapāngo, bo ingomano isi sikamalika, iki kikuboneka; kangi itolo unko ikilundilo, abāndu abāngi, bakēte iki naloliloli kikuboneka pa buyo. Lumo kilabo, ilisiku ilikōnge, pamo ndili, ugwe itolo kētēsya iki kikuboneka.

232 Abakalata bāngu bikunāngīsya ukuti ikyēne kyo—ikyēne kyo fīyo kikīndēne fīyo ukukīnda itolo ukubaleka abēne bagele, ukugela u lwitiko lwābo bēne. Panongwa yakuti, Yeso aayobile, “Abene bikubika amaboko pa bene. Abene bikubika amaboko pa bene, abene bisakubumbulukaga.” Lilino ega iki Umwene āyobīle. Umwene akāyobīle abene angali bikunyela mmwanya nukubopela mmwanya-na-pāsi pa kipālo. Abene bābagīle ukubomba ikyo. Loli Umwene alinkuti, “Abene bisakubumbulukaga.” Syo isi Umwene āyobīle? Ikyo kyo iki Umwene āyobīle. Ikyo kyo iki une ngwitika. Kangi Umwene ali apa lilino, Yuyo uyu ayobile i Lisyu ali apa ukutendeka ikyene ukuya lūlo.

Ugwe kwitika, nkulumba? [Unkundwe ikuyoba, “Ameni.”—Nsimbi]

Gwempala Tāta Gwakumwanya, pa bulāte bwa lwītiko lwāke nu kwitika, Une ngubika amaboko gangu pa mwene, mu Ngamu ya Yeso Kristi, ku bubumbulussyo bwake.

Gwempala Kyala, une ngwala amaboko gangu pa nkikulu uyu, mu Ngamu ya Yeso Kristi, ku bubumbulussyo bwake. Umma ndaga.

Gwempala Tāta, une ngwāla amaboko gāngu pa nkikulu uyu, mu Ngamu ya Yeso Kristi, ku bubumbulussyo bwāke. Ugwe gwātīle, “Umwene isakubumbulukaga.”

Gwītendekisye ku bubumbulussyo, kalumbu?

Gwempala Kyala, une ngwala amaboko gangu pa mwene, mu Ngamu ya Yeso Kristi, ukuti Ugwe kumbumbulussyo umwene.

Umma ndaga, kalumbu, gwempala, kilikyosa kitendekisye ku bubumbulussyo? Ulwitiko lwako lilino lufwānikisigwe, ugwe kwitika kuyaga kanunu?

²³³ Kangi, Kyala, une ngubika amaboko gangu pa mwene, mu kupilikila ululagilo Lwāko, “Ku kisu kyosa, ikipeligwa kilikyosa.” Une ngubika amaboko pa mwene, mu Ngamu ya Yeso, ku bubumbulussyo bwake.

Gwempala Kyala, une ngwala amaboko gangu pa nkundwe gwangu, mu Ngamu ya Yeso Kristi, ku bubumbulussyo bwake.

Gwempala Kyala, une ngwala amaboko gangu pa kalumbu gwangu, mu Ngamu ya Yeso Kristi, ku bubumbulussyo bwake.

[Ubuyo busitakandu pa tepi—Nsimbi]. . . ukusuluka pāsi pa ulukindi. Une ngaalondaga itolo uku katasya umwe. Ugwe kuyaga kanunu mosa linga ugwe kwitikaga ikyo lilino.

Gwempala Kyala, une ngusuma ukuti Ugwe kubumbulussyaga u kalumbu gwangu, mu Ngamu ya Yeso Kristi. Amenī.

[Ubuyo busitakandu pa tepi—Nsimbi]. . . ukundula une ukubiputila abandu aba.

²³⁴ Lilino uswe tulinato utufunga tumo apa, na fyosa bo ifyo, muno, ukwiputiligwa. Kangi une ngulonda umwe mukukindilila ukwīputa na une lilino, lilino, utusaka utunini utu, lilino. Une mmenye ikyo kikipilikigwa kihesya fiyo ukuti abandu biputile pa kindu ikinini bo iki. Lōli linga umwe mubagile ukwisa mu ofesi yāngu, kamokene, kangi itolo kētésya. Linga uswe twākyūngile utupāngo ukukīndāmo mfyīnja ifi, une ngusakikisya umwe mukābagile ukulūndika pa kigemo iki, aba bafumile pakubūmbulussyigwa itolo mu kutuma pānja utu utwēnda twa lwīpūto bo uto, baelifu-elifu ba bēne, ukusyūngutula kangi ukusyūngutula i kīsu. Lilino, umwe mumenye iki ikylene kili—ikylene kili?

Yumo ega i kifúnga kila pala ikya yula—yula unkeke. . . Ugwe kwisakumanyaga ikifunga kyako, bule ugwe, nkundwe? Umma ndaga.

²³⁵ Kangi une ngētīle abanini, abāna abalemale, babūmbulusìgwe. Kangi umwe muketile, iki ikylene kili, ikylene kyo itolo buyo bwa kukolekana, bo yu Oral Roberts ālisibile ukuyoba. Ikyene kyo itolo buyo bwa kukolekana. Uswe tukwīpūta. Lilino, uswe tutikubōmba iki twībēne, uswe tukubōmba iki panongwa yakuti i Bāngēli likulagila uswe ukubōmba iki. Uswe twesa tumenye ikyo kyo kyabwanaloli.

²³⁶ Lilino, balipo abāndu bīngi aba abēne bikupaka ififunga, na fyosa bo ifyo. Ena, lilino, uswe tukwinogona ukuti ikyo kili kanunu, naloli, loli linga uswe itolo. . . Ili Bangeli likayoba ukuti abene “bonelelaga” ififunga.

²³⁷ “Loli abene balyege ukufuma mu mbili gwa Pauli ifitambala.” Lilino keta ifi une nayobaga? Lilino, iki abēne bākētīle, amaka agākunyenemusya gala aga gāli mwa Pauli, ukuti abēne bāmēnye umwēne āli gwambombo gwa Kyala. Abene bāmenye ukuti Kyala āli mwa umwene. Abene bāmenye ukuti kilikyosa iki umwene āpalamasīsyē kyali kisayigwa. Balinga bikupilikisya ikyo? Yoba, “Ameni.” [Ikilundilo kikuyoba, “Ameni.”—Nsimbi]

²³⁸ Umwe mumenye, une ngwinogona Pauli āli naloli Gwammmasimbo mu iki umwene ābombile. Ngimba umwe mutikwinogona bo ulo? Ugwe kulonda une ukubabula ugwe kuko une ngwinogona umwene ali ni fundo ya kubomba ikylene? [Yumo ikuyoba, “Ukufuma Elisha.”—Nsimbi] Ukufuma ku Elisha, ntalusyi. Muketile, Eliya alinkuti, “Ega ingili iyi kangi buka ukayibike iyene pa mwāna.” Kangi unsololi alinkutuma ingili panongwa yakuti umwene amenye ukuti kilikyosa iki umwene aapalamasigwe kyaali kisayigwa. Umwēne āmēnye ubuyo bwāke. Umwēne. . . linga umwēne ābagīle itolo ukwēga u nkīkūlu ukwitika ikindu kilakila.

Lilino muketile, lilino, ili Bāngēli likāyobilémo siku, “Abēne bisakwiputula ababine.” Ilyēne lyāyobīle, “Abēne bisakubīka amaboko pa babine.”

²³⁹ Lilino inogona itolo, abāndu bākētīle, mwa ntumigwa Peteri, u Kuyapo kwa Kyala ukubonekela pabwelu mu mūndu uyu, fiyo mpaka abēne—abēne bikwāla abāndu mu nsyūngulu gwāke, kangi abēne bābūmbulusìgwe. Balinga bamenye ikyo kyo Kyammasimbo? Ilyo lyo itolo li Lisimbo bo yu Yohani 3:16. Muketile, Ilyene lyo lyōsa Lisyu lya Kyala. Lilino, a bāndu, umwe mumenye unsyūngūlu gwa nnyāmbāla yula gukābabūmbulusya abāndu mma.

²⁴⁰ Loli, keta, linga a maka ga Kyala gāli pa nsololi yula, ku fyinja kangi ukufuma papo umwene afwege, fiyo mpaka fikuti u mūndu umfwano āsopīgwe pa mbili gwāke, ififupa fyāke. U

mbili gukalipo na pala; ififupa fyälipo pala. Kangi u Kuyapo kwa Kyala kwäli pa fifupa ifyo, mpaka u mündu umfwano älisüle ku bümi.

²⁴¹ Lilino ngimba umwe mukamanya ukuti u Kyala yulayula uyu äbombile ifindu fyosa fila ali papapa apa ikilo iki? Kwa—kwa une, une ngwinogona uswe tukufimbilisigwa ukuya bandu abasangaluke ukukinda bosa nkisu kyosa. Inogona itolo isya iki.

²⁴² Une—une ngusubila ukuti une ngasängalusya ikilundilo kyangu ukwitika ukuti ikyene kyo kindukimo iki une ngwibombela nimwene. Ugwe—ugwe umenye ukukindapo apo. Une, une ne nkundwe gwako, muketile, kangi une ne itolo nkundwe gwako.

²⁴³ Loli une mmenye, une mmenye iki, ukuti Kyala ali apa. Kangi une mmenye ukuti Umwene apele ikindukimo kwa uswe, ukuti uswe tukabagila ukulingania ikyene, kwene ukwisila mu Lisyu lya Kyala, ukwiyobela ukuti ikyene kiyege apa pa kabalilo aka. Polelo, ikyene kangi kikutupa uswe ukulingania ukumanya ukuti uswe tuli nu bumi mmasiku ga bumalikisyo. Ikyëne kikupa uswe ubulüngänio uku manya ukuti abändu aba, abasaligwa aba, abasaligwa, abaköleligwa-pänja, abasünguligwe-ngäni . . .

²⁴⁴ Lilino, ilyo lyo lisyu ilikulumba, *sunguligwe-ngaani*, loli uswe twesa tumenye ukuti ikyo kyo bwanaloli. Uswe naloliloli tumenye ukuti Kyala unsitampaka ämanyile-ngänila i findu fyosa bo lukäli ulwalo lwa kisu, yöpe u Kang'osi ägogigwe; kangi i ngamu yiliyosa iyi yibagilémo siku ukuya pa Büku, yäbikigwe pa Büku bo u Büku yula äkäli akasimbigwëmo siku. Lilino balinga bamenye ikyo kyo kyabwanaloli?

²⁴⁵ Kangi Yeso alinkwisa uku—uku tabula abene aba baali mwa Buku. Mu i Bängëli, u Kang'osi älisile ukufuma kunyuma kwa kisigo, kangi alinkwëga u Büku nu kwigùla i Füngilo isi Ilyëne lyafüngigwe nasyo, kabuno Umwëne älisile ukupoka fyösa Umwëne ätabwile. Umwëne yo Mwimila-pakati lilino, u Mwimila-pakati ikutëndéka ukwimilila-pakati kuli bala bâbo Umwëne atabwile. Bösa bâbo i ngamu syäbo syasimbigwe pa Buku gwa Kang'osi gwa Bumi, batabuligwe.

²⁴⁶ Mümo une nätëndike ubuyobelo ubwänyängàlo nkilo . . . Une ngugülila i . . . ififunga fyösa apa. Une ndikugela itolo ukulumbilila ukwändisya kangi, löli une ndinkuti bwälipo ubuyobelo ubunini . . . Une ngusübila iki kitikupilikigwa kyamahelu, muketile. Löli ngati u mlimi uyu äbikile inguku, kängi akäli nago amafümbi gäkufwäna, popäpo umwëne alinkwëga i lifümbi lya ngwäsi yimo, kangi umwëne alinkubika ilyëne päsi pa nguku kangi umwëne alinkupänja i ngwäsi. Kangi umwëne äli mwänitu unswigisye fïyo pakati pa nguku, panongwa yakuti abëne bakäkëtäga ifindu mbufwäne mma. Loli ikyo kyo kyosa iki umwene aaketilemo, yäli nguku yila. Umwene aapilike a masyu gamo, agene gakapilikigwa ukuya bo masyu

gake. Napêne umwêne ákâbagile ukutëndeka a masyu ngati u mama-nguku pamo u tukuku. Umwêne akâfiganile ifi bályaga, pãpo abêne bályaga ukufuma ku lubĩngilo lwa ndamba. Kyãlipo ikĩndukimo ikikĩndane ikya umwêne, lóli umwêne akãmènye iki ubukĩndane bwãli.

²⁴⁷ Kangi polelo i lisiku limo, ãlipo u mãma ngwãsi iyi yãmenye umwêne ályagile amafũmbi mĩngi. Kangi lyãlipo limolyène lya mafũmbi gala, ili lyãbagile ukuya mwanundumiana gwãke, lyãyõngile. Popãpo umwêne alinkubũka kukufwĩma kuli mwêne, kangi ãlimmwãgile umwêne mu lubĩngilo lwa ndamba. Kangi umwêne alinkuywẽga. Kangi akabalilo kãko umwêne áywẽgile, akangwãsi akanini kãmènye a masyu gala ga mãma yula. Mumo Yeso aayobile, “Ing’osi Syangu simenye a Masyu Gangu.”

²⁴⁸ Une ngwĩnogõna, ikilo kyãmmayolo, akabalilo kãko une nãkẽtile ikitapwa kya baBaptisti, baPresbeteri, kangi kiliku-ikyãkõngelèlãpo, abêne lumo batwãlĩgwe pãnja pa nguku. Nhobokela une, nkundwe, muketile. Lóli Mãma ãmènye Umwêne ãli na baganigwa Bãke pãnja pala pabuyobumo. Popãpo abanyãmbãla bala bĩmĩle pala, kisita kupĩkania ubulyèsyo abêne bãli nabo ukufuma kwa mãma nguku, na fyõsa bo ifyo, lóli lilino abêne bo ngwasi, umwe muketile, abêne bikupululukila i fyãkulya fyãbo. Muketile?

²⁴⁹ Kangi une ngwinogona ikipanga kyo kindukimo bo buyo une ngetile pakaya patali mma, ukusuluka ukufuma ku Tucson, pamo ukufuma—ukufuma mu Phoenix, ukubũka ku Tucson. Une nãbubwêne ubuketelo ubusitakulĩnganisigwa. Kangi ikyene mu luko lumo kyabongotwile indumbula yangu, ukukéta iki kyãbonike pa buyo, mũmo . . . u kapula, uyu ãlisibile ukupuluka mu mbepo, u nkundwe ku swanga, uyu yo luko lwa kipanga.

Kangi Yehova yo Ngwãsi. Umwêne ákõlĩle abasololi Bãke “ngwãsi.” Umwêne ãlikolĩle Mwêne, Yehova, “Ngwãsi.”

²⁵⁰ Lóli u kapũla uyu yo pabutali atãgile ubulĩnganisigwe bwãke, panongwa yakuti ikyène kitikubebeluka kangi mma ukukĩnda mu mbepo nu kufwĩma inyama yãke bo mũmo ikyène kibagile ukubõmbèla. Lóli ikyène kikwĩtũgãsa pa sãmbõ sya telefoni nu kubõmbela ngati mulya-mifĩmba. Umwêne—umwêne ikufwĩma ku bakalulu abafwãno aba amagali gagõgile, kangi umwêne ni minyõmbo gikusõkága pãnja pala nukulya palikimo. Umwêne ikunyèla ngati ilinyõmbo, mbuyo bwa kwẽnda ngati umwêne ábagile ukwẽnda. Umwêne atãgile ikilĩngãnio kyãke.

²⁵¹ Kangi une nguyoba iki na lõsa u lugano lwamwakyala nu lugĩndiko, i kipãnga kitãgile liyõlo ikilĩnganisyo kyãke ukuya kalumbu ngwãsi. Umwene ikwitugasya ukusyungutila. Mbuyo bwa kukumba mu Lisyu nukwãga kali ifindu ifi fitalusye, umwêne ikugũlila kuli i kipãmbõ kya tusĩmbe twa sukulu ya Pandungu utu tutẽndekĩgwe ni kipãmbõ kya bamahala kubuyobumo, u kalulu yumo umfwãno uyu agogĩgwe

kubuyobumo ubūngi. Ikunyēla ngati i linyōmbo! Kyala tutula uswe ukupululuka ukusōkako ukufuma ku ikyo.

Ifingo isi syo bwanaloli. Komma isi umunduyumo āyobile isya Ikyēne, lōli iki Kyala āyobile isya isyēne! Isyēne syo syābwānalōli. Une ne nhobwike fīyo ukuya gwākwēndelàna ni ngwāsi.

Unko uswe twipute palikimo ku bītu ababīne bala.

²⁵² Gwempala Tāta Gwakumwanya, ikyene kimanyisigwe mwi Bangeli ukuti abene begaga ukufuma mumbili gwa Pauli, ififunga nu twenda utwakupiyila, kangi imisyétano gilinkusōka ukufuma ku bandu, kangi imbepo inyali silinkubaleka abene. Lilino, Tāta, une nimile apa pamwanya pa tufunga utu, ngwīmilila u mūndu aligwēsa uyu alipo. Ugwēne go Mbili gwa Kristi, uswe palikimo. Uswe tukwīkōléla, ukwisila mu lipyāna nu lugāno, ukuti uswe tuli apa ukwīmilila u Nsīngiligwa Gwāke, kangi ukwitika, nu kwendelana nu Mwene mu Kitangalala Kyake. Kangi uswe tumenye uswe tukaya Pauli Mwikemo, loli uswe tumenye Ugwe pópe gwe Yeso.

²⁵³ Kangi uswe tukusuma ukuti Ugwe kugindikaga ulwitiko lwa bandu aba. Linga abēne bālitūgésye kunyuma mmasiku ga Pauli, abēne angali bapilike Inongwainunu yilayila, bāfibwēne ifindu filafila. Polelo, abene bo luko lulalula ulwa bandu. Ugwe gwe Kyala yulayula. Polelo une ngusuma, Gwempala Kyala, ukuti Ugwe kugindikaga ulwitiko lwabo, mumo Ugwe gwaabombile sila mmasiku ga li Bangeli. Kangi tukusuma amaka ga lisyētano lililyōsa, ububine bulibōsa, ubōnywa bulibōsa, ubu bupinyile a bāndu aba ififunga ifi ni fyōmbo apa fikwīmilila, galiya amaka amabībi ga bubine galibalekaga abēne.


²⁵⁴ Ikyene kyāyobígwe, akabalilo kamo, ukuti Israeli endaga mu lukindi lwa mbombo, ku kisu ikifingigwe. Kangi mulamula mu lukindi lwa mbombo, undugu ikwisa nukubasiga abene mmwanya mu nguto, kangi i Nyanja Ingeseфу yilinkutumula abēne ukufuma ku lukindi lwa mbombo, kangi mukukuya kwābo. Kangi Kyala alinkukéta pasi ukufuma ku myanya, ukwisila mu Mbanda ya Moto, kangi inyanja yilinkuya nulutende. Iyēne yilinkuniēngela kunyuma amayiga gāke, panongwa yakuti amayiga ga Kyala gāli pāsi pa nyanja. Kangi Ikyene kyātēndike injila ku bāna Bāke, bikwenda mu lukindi lwa lupilikilo.

²⁵⁵ Lilino, Kyala, linga i Nyānja Ingeseфу yābagile ukuya yālutēnde, nu kuniēngela kunyuma amayiga gāke, ukuniēngela kunyuma amīsi gāke, nu kupa ifwāsi ku bāna bamo abēmbēli bikukūya mu bupilikilo; Gwempala Kyala, ikilo iki, keta pasi ukwisila mu Lilopa Iya Mwanundumiana Gwako, Yeso, Uyu aatendike ulufingo. Kangi akabalilo kako ififunga ifi fibikigwe pa mibili imibine gya bandu, ifisige fya Kyala fili kēta, kangi ububine bula, u mōhēsi yula, ali yaga gwālutēnde nu kusema

ukusōkàpo. Kangi abandu baliyaga pa njila ku Kisu ikifingigwe, nu bukafu bununu na maka. Bo Israeli àkúyile ukukilania ululangalanga, akáliko nayumo u mündu umonywa pakati pa bēne, ku bumalikisyo ubungi. Ikyene kili pēgigwa ku bandu aba, Tata, kabuno uswe tukutuma ififunga ifi, mu Ngamu ya Yeso Kristi. Ameni.

²⁵⁶ Kyala abasaye umwe, aligwesa. Akabalilo kako umwe mukwega ifitambala fyīnu lilino, umwe itika ni ndumbula yīnu yosa. Ngimba umwe mukwitika ukuti Kyala ikupilika iki? Muketile? Une—une ngulōnda ukuyoba iki. Komma, komma ukwilamwa, akayabo kamokene. Muketile, ikyene kibagile ukuboneka ukuya kihesya naloliloli. Nhobokela une, itolo i miniti. Komma ukwilamwa, na panandi. Loli itika lilino ukuti, iki uswe tusumile, Kyala ikupa.

²⁵⁷ Ngimba ugwe kwitika ukuti uyo yo Kyala apa, amenye isyakusofu sya ndumbula yako? Ugwe umenye kangi kwitika ukuti uyo yo Kyala? Lilino botesya itolo aminogono ginu lilino, ikyene kikabagíla ukuya nakimo ikingi. Muketile?

²⁵⁸ Lilino, bule línga kwābagile ukuya kilabo unkulumba, kubutali ifyīnja ifi fikīndilepo iki kyābagile ukwisa kuyaga syāmbukùlu. Kangi akabalilo kako abandu, mu fyinja ifi fikwisa, linga ikyene kyayaga bo ulu, abene bikwisaga nu kuyoba, “Ena, linga une āngàli nāyàga nu būmi akabalilo kala, une āngàli ngētīle ikyo kikubōmbígwa, ndumiana, ikyo kyo kyosa iki une āngali ngufimbilisigwaga ukumanya. Une angali ngwitikaga ikyene palapala pala!” Muketile, ikindu kilakila iki ugwe kwitika, linga ugwe gwaali kunyuma kula akabalilo kako Umwene abombege ikyene akabalilo kala! Kumbukilaga, ikyene pope yo Mwene. Ubwene bo Bumi Bwake mwa ugwe. Kyala akusaye ugwe. 

65-0426 Ukusisimikisya I Lisyu Lyāke
Hotelo Ya Embassy
Los Angeles, California U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusanania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org